



志卷第三

晉書十三

唐太宗文皇帝

御撰

天文下 月五星犯列舍

經星變附見

妖星客星

星流隕

雲氣

月五星犯列舍

經星變附見

魏文黃初四年三月癸卯月犯心大星占曰心為天

王位王者惡之六月甲申太白晝見案劉向五紀論

曰太白少陰弱不得專行故以己未為界不得經天

而行經天則晝見其占為兵喪為不臣為更王疆國

弱小國彊是時孫權受魏爵號而稱兵距守其十二

月景子月犯心大星占同上 五年十月乙卯太白
晝見占同上又歲星入太微逆行積百四十九日乃
出占曰五星入太微從右入三十日以上人主有大
憂一曰有赦至七年五月帝崩明帝即位大赦天下
六年五月壬戌熒惑入太微至壬申與歲星相及俱
犯右執法至癸酉乃出占曰從右入三十日以上人
主有大憂又日月五星犯左右執法大臣有憂一曰
執法者誅金火尤甚十一月皇子東武陽鑿薨七年
正月驃騎將軍曹洪免為庶人四月征南大將軍夏
侯尚薨五月帝崩蜀記稱明帝問黃權曰天下鼎立

何地為正對曰當驗天文往者熒惑守心而文帝崩
吳蜀無事此其徵也案三國史並無熒惑守心之文
疑是入太微八月吳遂圍江夏寇襄陽大將軍宣帝
救襄陽斬吳將張霸等兵喪更王之應也

明帝太和五年五月熒惑犯房占曰房四星股肱臣
將相位也月五星犯守之將相有憂其七月車騎將
軍張郃追諸葛亮為亮所害十二月太尉華歆薨其
十一月乙酉月犯軒轅大星占曰女主憂

六年三月乙亥月又犯軒轅大星十一月景寅太白
晝見南斗遂歷八十餘日恒見占曰吳有兵明年孫

權遣張彌等將兵萬人錫授公孫文懿為燕王文懿
斬彌等虜其衆青龍二年正月太后郭氏崩

青龍三年三月辛卯月犯輿鬼輿鬼主斬殺占曰人
多病國有憂又曰大臣憂是年夏及冬大疫四年五
月司徒董昭薨其五月丁亥太白晝見積三十餘日
以畧度推之非秦魏則楚也是時諸葛亮據渭南宣
帝與相持孫權寇合肥又遣陸議孫昭等入淮沔天
子親東征蜀本秦地則為秦魏及楚兵悉起矣其七
月己巳月犯捷閉占曰有火災三年七月崇華殿災
三年六月丁未填星犯井鉞戊戌太白又犯之占曰

凡月五星犯井鉞悉為兵災一曰斧鉞用大臣誅
月己丑填星犯東井距星占曰填星入井大人憂行
迹距為行陰其占曰大水五穀不成景初元年夏大
水傷五穀其年十月壬申太白晝見在尾歷二日
日恒晝見占曰尾為燕有兵十二月戊辰月犯鉞
占曰王者憂

四年閏正月己巳填星犯井鉞三月癸卯填星犯東
井己巳太白與月加景晝見五月壬寅太白犯畢左
股第一星占曰畢為邊兵又主刑罰九月涼州塞外
胡阿畢師使侵犯諸國西域校尉張就討之斬首捕

虞萬計其年七月甲寅太白犯軒轅大星占曰女主
憂景初元年皇后毛氏崩

景初元年二月乙酉月犯房第二星占曰將軍有憂
其七月司徒陳矯薨二年四月司徒歸賢薨其七月
辛卯太白晝見積二百八十餘日時公孫文懿自立
為燕王署置百官發兵拒守宣帝討滅之

二年二月己丑月犯心距星又犯中央大星五月乙
亥月又犯心距星及中央大星案占曰王者惡之犯
前星太子有憂三年正月帝崩太子立卒見廢其年
十月甲午月犯箕占曰將軍死正始元年四月車騎

將軍黃權薨其閏十一月癸丑月犯心中央大星

少帝正始元年四月戊午月犯昂東頭第一星七月

庚寅月又犯昂北第四星占曰月犯昂胡不安二月

六月鮮卑阿妙兒等寇西方敦煌太守王延俊之

二萬餘級三年又斬鮮卑大帥及千餘級

二年九月癸酉月犯與鬼西北星三年二月丁未文

犯西南星占曰有錢令一白大臣憂三年二月大

滿寵薨四年正月帝加元服賜群臣錢各有差

四年十月十一月月犯心是月宣帝討諸葛
恪棄城走五年二月曹爽在內

五年三月

五年十一月癸巳填星犯亢
七年七月丁丑月犯左角占曰天下有兵左將軍死
七月乙亥熒惑犯畢距星占曰有邊兵一曰刑罰用
九年正月辛亥月犯亢南星占曰兵起一曰軍將死
七月癸丑填犯捷閉占曰王者不宜出宮下殿
平元年天子謁陵宣帝奏誅曹爽等天子野宿於
是失勢

嘉平元年六月壬戌太白犯東井距星占曰國失政
大臣為亂四月辛巳太白犯輿鬼占曰大臣誅一曰
災起

二年三月己未太白又犯井距星三年七月王凌與
楚王彪有謀皆伏誅人主遂卑

吳孫權赤烏十三年夏五月日北至熒惑逆行入南
斗秋七月犯魁第三星而東漢晉春秋云逆行案占
熒惑入南斗三月吳王死一曰熒惑逆行其地有死
君太和二年權薨是其應也故國志書於吳是時王
凌謀立楚王彪謂斗中有星當有暴貴者以問知星
人浩詳詳疑有故欲悅其意不言吳有死喪而言淮
南楚分吳楚同占當有王者興故凌計遂定
嘉平二年十二月景申月犯輿鬼

三年四月戊寅月犯東井五月甲寅月犯亢距星占
曰軍將死一曰為兵是月王凌楚王彪等誅七月皇
后甄氏崩四年三月吳將為寇鎮東將軍諸葛誕破
走之其年七月巳巳月犯輿鬼九月乙巳又犯之十
月癸未熒惑犯亢南星占曰臣有亂四年十一月丁
未月又犯鬼積尸五年六月戊午太白犯角占曰群
臣有謀不成庚辰月犯箕星占曰將軍死七月月犯
井鉞景午月又犯鬼西北星占曰國有憂十一月癸
酉月犯東井距星占曰將軍死正元元年正月鎮東
將軍母丘儉揚州刺史文欽反兵俱敗誅死二月李
豐及弟翼后父張緝等謀亂事泄悉誅皇后張氏廢
九月帝廢為齊王蜀將姜維攻隴西車騎將軍郭淮
討破之

高貴鄉公正元二年二月戊午熒惑犯東井北轅西
頭第一星甘露元年七月乙卯熒惑犯東井鉞星壬
戌月又犯鉞星八月辛亥月犯箕吳廢孫亮 太平
元年九月壬辰太白犯南斗吳志所書也占曰太白
犯斗國有兵大臣有反者其明年諸葛誕反又明年
孫綝廢亮吳魏並有兵事也
甘露元年九月丁巳月犯東井二年六月巳酉月犯

心中央大星八月壬子歲星犯井鉞九月庚寅歲星逆行乘井鉞十月景寅太白犯亢距星占曰逆臣為亂人君憂景元元年五月有成濟之變及諸葛誕誅皆其應也

二年三月庚子太白犯東井占曰國失政大臣為亂是夜歲星又犯東井占曰兵起至景元元年高貴鄉公敗

三年八月壬辰歲星犯輿鬼鑿星占曰斧鑿用大臣誅四年四月甲申歲星又犯輿鬼東南星占曰鬼東南星主兵木入鬼大臣誅景元元年殺尚書王經

元帝景元元年二月月犯建星案占月五星犯建星大臣相譖是後鍾會鄧艾破蜀會譖艾

二年四月熒惑入太微犯右執法占曰人主有大憂一云大臣憂

四年十月歲星守房占曰將相憂一云有大赦明年鄧艾鍾會皆夷滅赦蜀土五年帝遜位

武帝咸寧四年九月太白當見不見占曰是謂失舍不有破軍必有亡國是時羊祜表求伐吳上許之五年十一月兵出太白始夕見西方太康元年三月大破吳軍孫皓面縛請罪吳國遂亡

大康八年三月熒惑守心占曰王者惡之大熙元年
 四月乙酉帝崩太白故之見西大太氣元平三月大
 惠帝元康三年四月熒惑守太微六十月占曰諸侯
 三公謀其上必有斬臣一曰天子亡國是春太白守
 畢至是百餘日占曰有急令之憂一曰相死又為邊
 境不安後賈后陷殺太子
 六年十月乙未太白晝見九年六月熒惑守心占曰
 王者惡之八月熒惑入羽林占曰禁兵大起其後帝
 見廢為太上皇俄而二王起兵討趙王倫倫悉遣中
 軍兵相距累月

永康元年三月中台星拆太白晝見占曰台星失常
 三公憂太白晝見為不臣是月賈后殺太子趙王倫
 尋廢殺后斬司空張華其五月熒惑入南斗占曰宰
 相死兵大起又吳分野是時趙王倫為相明年篡
 位三公與師誅之大安二年石冰破揚州其八月熒
 惑入箕占曰人主失位兵起明年趙王倫篡位改元
 二年二月太白出西方逆行入東井占曰國失政大
 臣為亂是時齊王冏起兵討趙王倫倫滅冏擁兵不
 朝專權淫奢明年誅死
 永寧元年自正月至于閏月五星互經天縱橫無常

嘉靖戊午年

星傳曰日陽君道也星陰臣道也日出則星亡臣不得專也書而星見于上者為經天其占為不臣為更王今五星悉經天天變所未有也石氏說曰辰星晝見其國不亡則大亂是後台鼎方伯互執大權二帝流亡遂至六夷更王迭據華夏亦載籍所未有也其四月歲星晝見五月太白晝見占同前七月歲星守虛危占曰木守虛危有兵憂虛危齊分一曰守虛饑守危從後煩多下屈竭辰星入太微占曰為內亂一曰群臣相殺太白守右掖門占曰為兵為亂為賊八月戊午填星犯左執法又犯上相占曰上相憂災惑

守昴占曰趙魏有災辰星守輿鬼占曰秦有災九月丁未月犯左角占曰人主憂一曰左衛將軍死天下有兵

二年四月癸酉歲星晝見占曰為臣彊初齊王罔定京都因留輔政遂專傲無君是月成都河間檄長沙王又討之罔又交戰攻焚宮闕罔兵敗夷滅又殺其兄上軍將軍寔以下二十餘人太安二年成都攻長沙於是公私饑困百姓力屈

太安二年二月太白入昴占曰天下擾兵大起七月熒惑入東井占曰兵起國亂是秋太白守太微上將

占曰上將以兵亡是年冬成都河間攻洛陽八月長沙王奉帝出距三王二年正月東海王越執長沙王又張方又殺之

三年正月熒惑入南斗占同永康七月左衛將軍陳眎率衆奉帝伐成都六軍敗績兵逼乘輿是時天下盜賊羣起張昌尤盛

永興元年七月庚申太白犯角亢經房心歷尾箕九月入南斗占曰犯角天下大戰犯亢有大兵人君憂入房心爲兵喪犯尾箕女主憂一曰天下大亂入南斗有兵喪一曰將軍爲亂其所犯守又兗豫幽冀揚

州之分野是年七月有蕩陰之役九月王浚殺幽州刺史和演攻鄴鄴潰於是兗豫爲天下兵衝陳敏又亂揚土劉元海石勒李雄等並起微賤跨有州郡皇后羊氏數被幽廢皆其應也

二年四月景子太白犯狼星占曰大兵起九月歲星守東井占曰有兵井又秦分野是年苟晞破公師蕃張方破范陽王虓關西諸將攻河間王顥奔走東海王迎殺之

光熙元年四月太白失行自翼入尾箕占曰太白失行而北是謂反生不有破軍必有屠城五月汲桑攻

鄴魏郡太守馮嵩出戰大敗桑遂害東燕王騰殺萬
 餘人焚燒魏時宮室皆盡其九月丁未熒惑守心占
 曰王者惡之已亥填星守房心占曰填星守房多禍喪
 守心國內亂天下赦是時司馬越專權終以無禮破
 滅內亂之應也十一月帝崩懷帝即位大赦天下
 懷帝永嘉元年十二月丁亥星流震散按劉向說天
 官列宿在位之象其衆小星無名者衆庶之類此百
 官衆庶將流散之象也是後天下大亂百官萬姓流
 移轉死矣

二年正月庚午太白伏不見二月庚子始晨見東方

是謂當見不見占同上條其後破軍殺將不可勝數
 帝崩虜庭中夏淪覆

三年正月庚子熒惑犯紫微占曰當有野死之王又
 為火燒宮是時太史令高堂冲奏乘輿宜遷幸不然
 必無洛陽五年六月劉曜王彌入京都焚燒宮廟執
 帝歸平陽

三年填星久守南斗占曰填星所居久者其可示福
 是時安東將軍琅邪王始有揚土其年十一月地動
 陳卓以為是地動應也

五年十月熒惑守心六年六月丁卯太白犯太微占

曰兵入天子庭王者惡之七月帝崩于寇庭天下行服大臨

元帝太興元年七月太白犯南斗占曰吳越有兵大人憂

二年二月甲申熒惑犯東井占曰兵起貴臣相戮八月己卯太白犯軒轅大星占曰後宮憂

三年五月戊子太白入太微又犯上將星占曰天子自將上將誅九月太白犯南斗十月己亥熒惑在東井居五諸侯南踟躕留積二十日占曰熒惑守井二十日以上大人憂守五諸侯諸侯有誅者永昌元年

三月王敦率江荆之衆來攻京都六軍距戰敗績人主謝過而已於是殺護軍將軍周顛尚書令刁協驃騎將軍戴若思又鎮北將軍劉隗出奔四月又殺湘州刺史譙王司馬承鎮南將軍甘卓閏十二月帝崩明帝太寧三年正月熒惑逆行入太微占曰為兵喪王者惡之閏八月帝崩後二年蘇峻反攻焚宮室太后以憂偏崩天子幽劫于石頭城遠近兵亂至四年乃息

成帝咸和六年正月景辰月入南斗占曰有兵是月石勒殺略婁武進二縣人明年石勒衆又抄略南沙

海虞其十一月熒惑守胃昴占曰趙魏有兵八年七月石勒死石季龍自立是時雖二石僭號而其疆弱常占於昴不閔太微紫宮也

八年三月己巳月入南斗與六年占同其年七月石勒死彭彪以譙石生以長安郭權以秦州並歸順於是遣督護喬球率衆救彪彪敗球退又石季龍石斌攻滅生權其七月熒惑入昴占曰胡王死一曰趙地有兵是月石勒死石季龍多所攻沒八月月又犯昴占曰胡不安

九年三月己亥熒惑入輿鬼犯積尸占曰兵在西北

有沒軍死將六月八月月又犯昴是時石弘雖襲勒位而石季龍擅威橫暴十一月廢弘自立遂幽殺之咸康元年二月己亥太白犯昴占曰兵起歲中旱四月石季龍略騎至歷陽加司徒王導大司馬治兵列戍衝要是時石季龍又圍襄陽六月旱其年二月景戌月入昴占曰胡王死八月戌戌熒惑入東井占曰無兵兵起有兵兵止十一月月犯昴

二年正月辛亥月犯房南第二星八月月又犯昴九月庚寅太白犯南斗因晝見占曰斗為宰相又揚州分金犯之死喪之象晝見為不臣又為兵喪其後石

季龍僭稱天王發衆七萬四年二月自隴西攻段遼于薊又襲慕容皝於棘城不克皝擊破其將麻秋并虜段遼殺之
三年七月己酉月犯房上星八月熒惑入輿鬼犯積尸甲戌月犯東井距星九月戊子月犯建星
四年四月己巳太白晝見在柳占曰為兵為不臣明年石季龍大寇河南於是內外戒嚴其五月戊戌熒惑犯右執法占曰大臣死執政者憂九月太白又犯右執法案占五星災同金水尤甚十一月戊子太白犯房上星占曰上相憂

五年四月乙未月犯畢距星占曰兵起七月己酉月犯房上星占曰將相憂是月庚申丞相王導薨庾冰伐輔政八月太尉郗鑒薨又有河南邾城之敗百姓流亡萬餘家六年正月征西大將軍庾亮薨

六年三月甲辰熒惑犯太微上將星占曰上將憂四月丁丑熒惑犯右執法占曰執政者憂六月乙亥月犯牽牛中央星占曰大將憂是時尚書令何充為執法有譴欲避其咎明年求為中書令其四月景午太白犯畢距星占曰兵革起一曰女主憂六月乙卯太白犯軒轅大星占曰女主憂七年三月皇后杜氏崩

七年三月壬午月犯房四月巳丑太白入輿鬼五月
太白晝見八月辛丑月犯輿鬼

八年六月熒惑犯房上第二星占曰次相憂八月壬
寅月犯畢占曰下犯上兵革起十月月又掩畢大星
占同上其建元元年車騎將軍庾冰薨庾翼大發兵
謀伐石季龍專制上流朝廷憚之

康帝建元二年正月壬午太白入昴占曰趙地有兵
又曰天下兵起四月乙酉太白晝見是年石季龍殺
其子邃又遣將寇沒狄道及屯薊東謀慕容晷三年

歲星犯天關安西將軍庾翼掘見冰書曰歲星犯天關占云關梁常分比來江東無他故江道

亦不艱難而石季龍頻年再閉關不通信使此復是
天公憤憤無皂白之徵也其閏月乙酉太白犯斗占
曰為喪天下受爵祿九月帝崩太子立大赦賜爵

穆帝永和元年正月丁丑月入畢占曰兵大起戊寅
月犯天關占曰有亂臣更天子之法五月辛巳太白
晝見在東井占曰為臣彊秦有兵六月辛丑月入太

微犯屏西南星占曰輔臣有免罷者七月八月月皆
犯畢占同上巳未月犯輿鬼占曰大臣有誅九月庚
戌月犯畢是年初庾翼在襄陽七月翼疾將終輒以
子爰之為荊州刺史代已任爰之尋被廢明年桓温

又輒率衆伐蜀執李勢送至京都蜀本秦地也

二年二月壬子月犯房上星四月景戌月又犯房上

星八月壬申太白犯左執法

三年正月壬午月犯南斗第五星占曰將軍死近臣

去五月壬申月犯南斗第四星因入魁占曰有兵一

曰有大赦六月月犯東井距星占曰將軍死國有憂

戊戌月犯五諸侯占曰諸侯有誅九月庚寅太白犯

南斗第五星占曰為喪為兵

四年七月景申太白犯左執法甲寅月犯房丁巳月

入南斗犯第二星乙丑太白犯左執法占悉同上十

月甲辰月犯亢占曰兵起將軍死十一月戊戌月

上將星二年六月大赦是月陳達征壽春敗而還七

月氐蜀餘寇反亂益土九月石季龍伐涼州五年征

北大將軍褚哀卒

四年四月太白入昴是時戎晉相侵趙地連兵尤甚

七月太白犯軒轅占曰在趙及為兵喪甲寅月犯房

十月甲戌月犯亢占曰兵起將軍死八月石季龍太

子宣殺弟韜宣亦死其十一月戊戌月犯上將星五

年正月石季龍僭號稱皇帝尋死

五年四月丁未太白犯東井占曰秦有兵九月戊戌

太白犯左角占曰為兵十月月犯昴占曰胡有憂將
軍死是年八月褚裒北征兵敗十月關中二十餘壁
舉兵內附石遵攻沒南陽十一月冉閔殺石遵又盡
殺胡十餘萬人於是趙魏大亂十二月褚裒薨八年
劉顯符健慕容雋並僭號殷浩北伐敗績見廢

六年二月辛酉月犯心大星占曰大人憂又豫州分
野也丁丑月犯房占曰將相憂六月己丑月犯昴占
同上乙未月犯五諸侯占同上七月壬寅月始出西
方犯左角占曰大將軍死一曰天下有兵丁未月犯
箕占曰將軍死景寅熒惑犯鉞星占曰大臣有誅八

月辛卯月犯左角太白晝見在南斗月犯右執法占
並同上是歲司徒蔡謨免為庶人

七年二月太白犯昴占同上三月乙卯熒惑入輿鬼
犯積尸占曰貴人有憂五月乙未熒惑犯軒轅大星
占曰女主憂太白入畢口犯左股占曰將相當之六
月乙亥月犯箕占曰國有兵景子月犯斗丁丑熒惑
入太微犯右執法八月庚午太白犯軒轅戊子太白
犯石執法占悉同上七年劉顯殺石祗及諸將帥山
東大亂疾疫死亡

八年三月戊戌月犯軒轅大星癸丑月入南斗犯第

二星五月月犯心星六月癸酉月犯房七月壬子歲
星犯東井距星占曰內亂兵起八月戊戌熒惑入輿
星占曰忠臣戮死景辰太白入南斗犯第四星占曰
新為亂一曰丞相免

九年二月乙巳月入南斗犯第三星三月戊辰月犯
房八月歲星犯輿鬼東南星占曰兵起是時帝幼冲
母后稱制將相有隙兵革連起慕容雋偕號稱燕王
攻伐不休

十年正月己卯月蝕昴星占曰趙魏有兵癸酉填星
奄鉞星占曰斧鉞用三月甲申月犯心大星占曰王
者惡之七月庚午太白晝見畧度推之災在秦鄭九
月辛酉太白犯左執法是時桓温擅命朝臣多見迫
脅四月温伐苻健破其嶢柳軍十二月慕容恪攻齊
十一年三月辛亥月奄軒轅占同上四月庚寅月犯
牛宿南星占曰國有憂八月己未太白犯天江占曰
河津不通

十二年六月庚子太白晝見在東井占如上己未月
犯鉞星八月癸酉月奄建星九月戊寅熒惑入太微
犯西蕃上將星十一月丁丑熒惑犯太微東蕃上將
星十二年十一月齊城陷執段龕殺三千餘人永和

三年鮮卑侵略河冀升平元年慕容雋遂據臨漳盡有幽并青冀之地緣河諸將奔散河津隔絕時權在方伯九服交兵

西頭第二星占曰秦地有兵一曰將死六月戊戌太白晝見在軫占同上軫是楚分野壬子月犯畢占曰為邊兵七月辛巳熒惑犯天江占曰河津不通十一月歲星犯房占曰豫州有災其年五月符堅殺苻生而立十二月慕容雋入屯鄴二年八月豫州刺史謝

奕薨

二年十二月辛卯填星犯軒轅大星占曰人主惡之甲午月犯東井六月辛酉犯房十月己未太白犯天星占曰有大災

三年正月壬辰熒惑犯離閉星案占曰人主憂三月乙酉熒惑逆行犯角案占曰王者惡之六月太白犯東井七月乙酉熒惑犯天江景戌太白犯輿鬼占志同上戊子月犯牽牛中央大星占曰牽牛天將也犯中央大星將軍死八月丁未太白犯軒轅大星甲子月犯畢大星占曰為邊兵一曰下犯上三年十月諸葛攸兵軍入河敗績豫州刺史謝萬入朝衆潰而歸

萬除名十一月司徒會稽王以郗墨謝萬二鎮敗求
自貶三等四年正月慕容雋死子暉代立慕容恪殺
其尚書令陽騫等

四年正月乙亥月犯牽牛中央大星六月辛亥辰星
犯軒轅占曰女主憂已未太白入太微右掖門從端
門出占曰責奪第一曰有兵又曰出端門臣不臣八
月戊申太白犯辰占曰國有憂景辰憂惑犯太微西
蒼上將星九月壬午太白入南斗口犯第四星占曰
為喪有赦天下受爵祿十二月甲寅惑惑犯房景寅
太白晝見庚寅月犯健占曰人君惡之

五年正月乙巳填星逆行犯太微五月壬寅月犯太
微庚戌月犯建星占曰大臣相謀是時殷浩敗績卒
致遷徙其月辛亥月犯牽牛宿占曰國有憂六月癸
亥月犯氏東北星占曰大將當之五年正月比中郎
將郗曇薨五月帝崩哀帝立大赦賜爵褚后失勢七
月慕容恪攻冀州刺史呂護於野王護奔滎陽是時
桓溫以大衆次宛聞護敗乃退

五年六月癸酉月奄氏東北星占曰大將軍當之九
月乙酉月奄畢占曰有邊兵十月丁未月犯畢大星
占曰下犯上又曰有邊兵八月范汪廢隆和元年慕

容暘遣將寇河陰

哀帝興寧三年七月庚戌月犯南斗占曰女主憂歲星犯輿鬼占曰人君憂十月太白晝見在亢占曰亢為朝廷有兵喪為臣彊明年五月皇后庾氏崩

海西太和二年正月大白入昴五年慕容暘為符堅所滅又據司隼幽并四州立大郊明神宗曰六年閏月熒惑守太微端門占曰天子亡國又曰諸侯三公謀其上一曰有斬臣辛卯月犯心大星占曰王者惡之十一月桓溫廢帝并奏誅武陵王簡文不許溫乃徙之新安皆臣彊之應也

簡文咸安元年十二月辛卯熒惑逆行入太微二年三月猶不退占曰國不安有憂是時帝有桓溫之逼二年五月丁未太白犯天關占曰兵起歲星形色如太白占曰進退如度姦邪息变色亂行主無福歲星於仲夏當細小而不明此其失常也又為臣彊六月太白晝見在七星乙酉太白犯輿鬼占曰國有憂七月帝崩桓溫以兵威擅權將誅王坦之等內外迫脅又庾希入京城盧陳入宮並誅滅之
孝武寧康元年正月戊申月奄心大星案占曰災不在王者則在豫州一曰主命惡之三月景午月奄南

斗第五星占曰大臣有憂死凶一日將軍死七月桓
溫薨九月癸巳熒惑入太微是時女主臨朝政事多缺

二年閏月己未月奄牽牛南星占曰左將軍死十二

月甲申太白晝見在氐氏兖州分野三年五月景午

北中郎將王坦之薨西太白與星占曰國有憂

三年六月辛卯太白犯東井占曰秦地有兵九月戊

申熒惑奄左執法占曰執法者死太元元年符堅破

涼州二年十月尚書令王彪之卒

太元元年四月景戌熒惑犯南斗第三星景申又奄

第四星占曰兵大起中國饑一日有赦八月癸酉太

白晝見在氐氏兖州分野九月熒惑犯哭泣星遂入

羽林占曰天子有哭泣事中軍兵起十一月己未月

奄氐角占曰天下有兵一日國有憂

二年二月熒惑守羽林占曰禁兵大起九月壬午太

白晝見在角角兖州分野升平元年五月大赦三年

八月秦人寇樊鄧襄陽彭城四年二月襄陽陷朱序

沒四月魏興陷賊聚廣陵三河眾五六萬於是諸軍

外次衝要丹陽尹屯衛京都六月兖州刺史謝玄討

賊大破之是時中外連兵比年荒儉

四年十一月丁巳太白犯哭星占曰天子有哭泣事

晉書卷三十一
五年七月景子辰星犯軒轅占曰女主當之九月癸未皇后王氏崩中伏與夫此年歲時
六年九月景子太白晝見
七年十一月太白又晝見在斗占曰吳有兵喪
八年四月甲子太白又晝見在參占曰魏有兵喪是月桓沖征沔漢楊亮伐蜀並拔城畧地八月符堅自將號百萬九月攻沒壽陽十月劉牢之破符堅將梁成斬之殺獲萬餘人謝玄等又破符堅於淝水斬其弟融堅大衆奔潰九年六月皇太后褚氏崩八月謝玄出屯彭城經略中州矣

九年七月景戌太白晝見十一月丁巳又晝見

十年四月乙亥又晝見于畢昴占曰魏國有兵喪是時符堅大衆奔潰趙魏兵連相攻堅為姚萇所殺

十一年三月戊申太白晝見在東井占曰秦有兵臣

彊六月甲申又晝見于輿鬼占曰秦有兵時魏姚萇符登連兵相征不息甲午歲星晝見在胃占曰魯有兵臣彊十二年慕容垂寇東阿崔遼寇河上姚萇假蒲安定符登自立薩支呂光竊據涼土

十二年六月癸卯太白晝見在柳十月庚午太白晝見在斗

十三年正月景戌又晝見十二月熒惑在角亢形色
猛盛占曰熒惑失其常吏且棄其法諸侯亂其政自
是後慕容垂翟遼姚萇苻登慕容永並阻兵爭疆十
四年正月彭城妖賊又稱號於皇立劉牢之破滅之
三月張道破合鄉圍泰山向欽之擊走之是年翟遼
又攻沒滎陽侵略陳項于時政事多弊君道陵遲矣
十四年四月己巳太白晝見于柳六月辛卯又晝見
于翼九月景寅又晝見于軫十二日熒惑入羽林占
並同上十五年翟遼掠司寇衆軍討不尅慕容垂
又踰略并冀并州七月旱八月諸郡大水交州又旱

十五年九月癸未熒惑入太微十月太白入羽林

十六年四月癸卯朔太白晝見十一月癸巳月奄心

前星占曰太子憂是時太子常有篤疾

十七年七月丁丑太白晝見十月丁酉又晝見

十八年六月又晝見

十九年五月又晝見于柳六月辛酉又晝見于輿鬼

九月又見于軫

二十年六月熒惑入天囷占曰大饑七月丁亥太白

晝見在太微占曰太白入太微國有憂晝見為兵喪

十二月己巳月犯棐閉及東西咸占曰棐閉司心腹

喉舌東西咸主陰謀

二十一年二月壬申太白晝見三月癸卯太白連晝見在羽林占曰有疆臣有兵喪中軍兵起三月太白晝見于胃占曰中軍兵起四月壬午太白入天囷占曰為饑六月歲星犯哭泣星占曰有哭泣事是年九月帝崩隆安元年王恭等舉兵脅朝廷於是內外戒嚴殺王國寶以謝之及連歲水旱三方動衆人饑安帝隆安元年正月癸亥熒惑犯哭泣星占曰有哭泣事四月丁丑太白晝見在東占曰秦有兵喪六月姚興攻洛陽郗恢遣兵救之冬姚萇死子略代立

魏王圭即位於中山其八月熒惑守井鉞占曰大臣有誅

二年六月戊辰攝提移度失常歲星晝見在胃兖州分野是年六月郗恢遣鄧啓方等以萬人伐慕容寶於滑臺敗而還閏月太白晝見在羽林十一月犯東上相趙海外心經又云太白入天囷十月甲子三年五月辛酉月又奄東上相辛未辰星犯軒轅大星占悉同上二年九月庾楷等舉兵表誅王愉等於是內外戒嚴三年六月洛陽沒于寇桓玄破荊雍州殺殷冲堪等孫恩聚衆攻沒會稽殺內史

四年六月辛酉月犯哭泣星
五年正月太白晝見自去年十二月在斗晝見至于
是月乙卯案占灾在吳越七月癸亥大角星散搖五
色占曰王者流散丁卯月犯天關占曰王者憂九月
庚子熒惑犯少微又守之占曰處士誅十月甲子月
犯東次相其年七月太皇太后李氏崩十月妖賊大
破高雅之於餘姚死者十七八五年孫恩攻侵郡縣
殺內史至京口進軍滸洲於是內外戒嚴恩遣別將
攻廣陵殺三千餘人退據郁洲是時劉裕又追破之
九月桓玄表至逆旨陵上十月司馬元顯大治水軍
將以伐玄元興元年正月盧循自稱征虜將軍領孫
恩餘衆略有永嘉晉安之地二月帝戎服遣西軍三
月桓玄剋京都殺司馬元顯放太傅會稽王道子
元興元年二月戊子太白犯五諸侯因晝見占曰諸
侯有誅七月戊寅熒惑在東井熒惑犯輿鬼積尸占
並同上八月景寅太白奄右執法九月癸未太白犯
進賢占曰進賢者誅
三年二月歲星犯西上將六月甲辰月奄斗第四星
占曰大臣誅不出三年八月癸丑太白犯房北第二
星九月己丑歲星犯進賢熒惑犯西上將十月甲戌

太白犯泣星十一月丁酉熒惑犯東上相十二月乙巳月奄軒轅第二星占悉同上升平元年冬魏破姚興軍二年十二月桓玄篡位放遷帝后於尋陽以永安何皇后為零陵君三年二月劉裕盡誅桓氏

三年正月戊戌熒惑逆行犯太微西上相占曰天子戰於野上相死二月景辰熒惑逆行在左執法西北占曰執法者誅四月甲午月奄軒轅第二星五月壬申月奄斗第二星填星入羽林占並同上是年二月景辰劉裕殺桓脩等三月己未破走桓玄遣軍西討辛巳誅左僕射王愉桓玄劫天子如江陵五月玄下至崢嶸洲義軍破滅之桓振又攻沒江陵幽劫天子七月永安何皇后崩

義熙元年三月壬辰月奄左執法占同上丁酉月奄心前星占曰豫州有災大白犯東井占曰秦有兵七月庚辰太白晝見在翼軫占曰為臣彊荆州有兵喪八月丁巳犯斗第一星占曰天下有兵一曰大臣憂九月甲子熒惑犯少微占曰處士誅庚寅熒惑犯右執法癸卯熒惑犯左執法占並同上十一月景戌太白犯鉤鈴占曰喉舌憂十二月己卯歲星犯天關占曰有兵亂河津不通十一月荆州刺史魏詠之薨二

年二月司馬國璠等攻沒弋陽四月姚興伐仇池公
楊茂擊走之九月益州刺史司馬榮期爲其參軍楊
承祖所害三年十二月司徒揚州刺史王謚薨四年
正月太保武陵王遵薨三月左僕射孔安國卒自後
政在劉裕人主端拱而已

二年二月太白犯降斗占曰兵起巳五月犯心後星
占曰豫州有灾四月癸丑月犯太微西上將巳未月
犯房南第二星乙丑歲星犯天江占曰有兵亂河津
不通五月癸未月犯左角占曰左將軍死天下有兵
壬寅熒惑犯氐占曰氐爲宿宮人主憂六月庚午熒

惑犯房北第二星八月癸亥熒惑犯南斗第五星丁
巳犯建星占曰爲兵九月壬午熒惑犯哭星又犯泣
星是年二月甲戌司馬國璠等攻沒弋陽又慕容超
侵畧徐兗三年正月又寇北徐州至下邳十二月司
徒王謚薨四年正月武陵王遵薨五年慕容超復寇
淮北四月劉裕大軍討之拔臨朐又圍廣固拔之
三年正月景子太白晝見在奎二月庚申月奄心後
星占同上五月癸未月犯左角巳丑太白晝見在參
占曰益州有兵喪臣彊八月巳卯太白犯左執法辛
卯熒惑犯左執法九月壬子熒惑犯進賢星是年八

月劉敬宣伐蜀不尅而旋四年三月左僕射孔安國
卒七月司馬叔璠等攻沒鄒山魯郡太守徐邕破走
之姚略遣衆征赫連勃勃大爲所破五年劉裕討慕
容超滅之

四年正月庚子熒惑犯天關五月丁未月奄斗第二
星壬子填星犯天廩占曰天下饑倉粟少六月己丑
太白犯太微西上將乙卯又犯左執法十月戊子熒
惑入羽林占悉同上五年劉裕討慕容超後南北軍
旅運轉不息

五月二月甲子月犯昴占曰胡不安天子穰

月戊戌歲星入羽林九月壬寅月犯昴十月熒惑犯
氐閏月丁酉月犯昴辛亥熒惑犯鉤鈐己巳月奄心
大星占曰王者惡之是年四月劉裕討慕容超十月
魏王圭遇弒殂六年五月盧循逼郊甸宮衛被甲

六年三月丁卯月奄房南第二星災在次相己巳又
奄斗第五星占曰斗主吳吳地兵起太白犯五諸侯
占曰諸侯有誅五月甲子月奄斗第五星己亥月奄
昴第三星占曰國有憂一曰有白衣之會六月己丑
月犯房南第二星甲午太白晝見七月己亥月犯輿
鬼占曰國有憂一曰秦有兵八月壬午太白犯軒轅

大星甲申月犯心前星災在豫州景戌月犯斗第五
星占同上丁亥月奄牛宿南星占曰天下有大誅乙
未太白犯少微景午太白在少微而晝見九月甲寅
太白犯左執法丁丑填星犯畢占曰有邊兵是年三
月始興太守徐道覆反四月盧循寇湘中沒巴陵率
衆逼京畿是月左僕射孟昶懼王威不振仰藥自殺
七年十二月劉蕃梟徐道覆首杜慧度斬盧循並傳
首京都八年六月劉道規卒時為豫州刺史八月皇
后王氏崩九月兖州刺史劉蕃尚書左僕射謝混伏
誅劉裕西討劉毅斬首徇之十二月遣益州刺史宋

齡石伐蜀

七年四月辛丑熒惑入輿鬼占曰秦有兵一曰雍州
有災六月太白晝見在翼巳亥填星犯天關占曰臣
謀主八月太白犯房南第二星十一月景子太白犯
哭星其七月朱齡石尅蜀蜀又反討滅之

八年七月癸亥月奄房北第二星巳未月犯井鉞八
月戊申月犯泣星十月辛亥月奄天關占曰有兵十
一月丁丑填星犯東井占曰大人憂十二月癸卯填
星犯井鉞是年八月皇后王氏崩九年誅劉蕃謝混
討滅劉毅十二月朱齡石滅蜀

九年二月熒惑入輿鬼占曰有兵喪太白犯南河占
曰兵起五月壬辰太白犯右執法晝見七月庚午月
奄鈞鈴占曰啖舌臣憂九月庚午歲星犯軒轅大星
巳丑月犯左角時劉裕擅命兵革不休十年裕討司
馬休之王師不利休之等奔長安

十年正月丁卯月犯畢占曰將相有以家坐罪者二
月巳酉月犯房北星五月壬寅月犯牽牛南星乙丑
歲星犯軒轅大星占悉同上六月景申月奄氏占曰
將死之國有誅者七月庚辰月犯天關占曰兵起熒
惑犯井鉞填星犯輿鬼遂守之占曰大人憂宗廟改

八月丁酉月奄牽牛南星占同上九月填星犯輿鬼
占曰人主憂丁巳太白入羽林十二月巳酉月犯西
咸占曰有陰謀十一年林邑寇交州距敗之

十一年三月丁巳月入畢占曰天下兵起一曰有邊
兵巳卯熒惑入輿鬼閏月景午填星又入輿鬼占曰
為旱大疫為亂臣五月癸卯熒惑入太微甲辰犯右
執法六月巳未太白犯東井占曰秦有兵戊寅犯輿
鬼占曰國有憂七月辛丑月犯罪占同上八月壬子
月犯氐占同上庚申太白順行從右掖門入太微丁
卯奄左執法十一月癸亥月入畢占同上乙未月入

輿鬼而暈

十二年五月甲申歲星留房心之間宋之分野始封
劉裕為宋公六月壬子太白順行入太微右掖門巳
巳月犯畢占同上七月月犯牛宿十月景戌月入畢
十三年五月景子月犯軒轅丁亥犯牽牛癸巳熒惑
犯右執法八月巳酉月犯牽牛丁卯月犯太微占曰
人君憂九月壬辰熒惑犯軒轅十月戊申月犯畢占
悉同上月犯箕占曰國有憂甲寅月犯畢占同上乙
卯填星犯太微留積七十餘日占曰亡君之戒壬戌
月犯太微

十四年三月癸巳太白犯五諸侯五月庚子月犯太
微七月甲辰熒惑犯輿鬼占曰秦有兵又為旱為兵
喪亦曰大人憂宗廟改亦為亂臣時劉裕擅命軍旅
數興飢旱相屬其後卒移晉室丁巳月犯東井占曰
軍將死八月甲子太白犯軒轅癸酉填星入太微犯
右執法因留太微中積二百餘日乃去占曰填星守
太微亡君之戒有徒王九月乙未太白入太微犯左
執法丁巳入太微占曰大人憂十月甲申月入太微
癸巳熒惑入太微犯西蕃上將仍順行至左掖門內
留二十日乃逆行義熙十二年七月劉裕伐姚泓十

國子監刊
三年八月擒姚泓司寇秦雍悉平十四年劉裕還彭
城受宋公十一月左僕射前將軍劉穆之卒明年西
虜寇長安雍州刺史朱齡石諸軍陷沒官軍捨而東
十二月帝崩

恭帝元熙元年正月景午三月壬寅五月景申月皆
犯太微占悉同上乙卯辰星犯軒轅六月庚辰太白
犯太微七月己卯月犯太微太白晝見自義熙元年
至是太白經天者九日蝕者四皆從上始革代更王
臣失君之象也是夜太白犯哭星十二月丁巳月入
太白俱入羽林

二年二月庚午填星犯太微占悉同上元年七月別
裕受宋王是年六月帝遜位于宋

妖星客星

魏文帝黃初三年九月甲辰客星見太微左掖門內
占曰客星出太微國有兵喪十月帝南征孫權是後
累有征役

六年十月乙未有星孛于少微歷軒轅占為兵喪除
舊布新之為時帝軍廣陵辛丑親御甲冑觀兵明年
五月帝崩

明帝太和六年十一月景寅有星孛于翼近太微上

晉書卷三十三
將星占曰為兵喪甘氏曰孛彗所當之國是受其殃
翼又楚兮野孫權封略也明年權有遼東之敗又明
年諸葛亮入秦川孫權發兵緣江淮屯要衝權自圍
新城以應亮天子東征權

青龍四年十月甲申有星孛于大辰長三尺乙酉又
孛于東方十一月己亥彗星見犯宦者天紀星占曰
大辰為天王天下有喪劉向五紀論曰春秋星孛于
東方不言宿者不加宿也宦者在天市為中外有兵
天紀為地震孛彗主兵喪

景初元年六月地震九月吳將朱然圍江夏皇后毛
氏崩二年正月討公孫文懿三年正月明帝崩

景初二年八月彗星見張長三尺逆西行四十一日
滅占同上張周兮野十月癸巳客星見危逆行在離
宮北騰蛇南甲辰犯宗星己酉滅占曰客兵所出有
兵喪虛危為宗廟又為墳墓客星近離宮則宮中將
有大喪就先君於宗廟之為也三年正月帝崩

少帝正始元年十月乙酉彗星見西方在尾長二丈
拂牽牛犯太白十一月甲子進犯羽林占曰尾為燕
又為吳牛亦吳越之令太白為上將羽林中軍兵為
吳越有喪中軍兵動二年五月吳遣三將寇邊吳太

手登卒六月宣帝討諸葛恪於皖太尉滿寵薨

六年八月戊午彗星見七星長二尺色白進至張積

二十三日滅七年十一月癸亥又見軫長一尺積百

五十六日滅九年二月又見昴長六尺色青白芒西

南指七月又見翼長二尺進至軫積四十二日滅案

占曰七星張為周分野翼軫為楚昴為趙魏彗所以

除舊布新主兵喪也嘉平元年宣帝誅曹爽兄弟及

其黨與皆夷三族京師嚴兵三年誅楚王彪又襲王

凌於淮南淮南東楚也魏諸王幽於鄴

嘉平三年十一月癸亥有星孛于營室西行積九十

日滅占曰有兵喪室為後宮後宮且有亂

四年二月丁酉彗星見西方在胃長五六丈色白芒

南指貫參積二十日滅

五年十一月彗星又見軫長五丈在太微左執法西

東南指積百九十日滅案占胃兖州之分野參主兵

太微天子庭執法為執政孛彗為兵喪除舊布新之

象正元元年二月李豐豐弟翼后父張緝等謀亂皆

誅皇后亦廢九月廢帝為齊王

高貴鄉公正元元年十一月白氣出南斗側廣數丈

長竟天王肅曰蚩尤之旗也東南其有亂乎二年正

國子監刊
月有彗星見于吳楚分西北竟天鎮東大將軍毋丘
儉等據淮南叛景帝討平之案占蚩尤旗見王者征
伐四方自後又征淮南西平巴蜀是歲吳主孫亮五
鳳元年也斗牛吳越分案占吳有兵喪除舊布新之
象也太平三年孫綝盛兵圍宮廢亮為會稽王故國
志又書於吳也淮南江東同揚州地故于時變見吳
楚楚之分則魏之淮南多與吳同災是以毋丘儉以
李為已應遂起兵而敗後三年即魏甘露二年諸葛
誕又反淮南吳遣將救之及城陷誕眾與吳兵死沒
各數萬人猶前長星之應也

甘露二年十一月彗星見角色白占曰彗星見兩角
間色白者軍起不戰邦有大喪景元元年高貴鄉公
為成濟所害

四年十月丁丑客星見太微中轉東南行歷軫宿積
七日滅占曰客星出太微有兵喪景元元年高貴鄉
公被害

元帝景元三年十一月壬寅彗星見亢色白長五寸
轉北行積四十五日滅占曰為兵喪一曰彗星見亢
天子失德四年鍾會鄧艾伐蜀剋之二將反亂皆誅
咸熙二年五月彗星見王良長丈餘色白東南指積

十二日滅占曰王良天子御馴彗星埽之禪代之表除舊布新之象也白色為喪王良在東壁宿又并州之分野八月文帝崩十二月武帝受魏禪

武帝泰始四年正月景戌彗星見軫青白色西北行又轉東行占曰為兵喪軫又楚分野三月皇太后王氏崩十月吳寇江夏襄陽

五年九月星孛于紫宮占如上紫宮天子內宮十年武元楊皇后崩十年十二月有星孛于軫占曰天下兵起軫又楚分野

咸寧二年六月甲戌星孛于氏占曰天子失德易政

氏又交州今七月星孛大角大角為帝坐八月星孛太微至翼北斗三台占曰太微天子庭大人惡之一曰有改王翼又楚分野北斗主殺罰三台為三公三年正月星孛于西方三月星孛于胃胃徐州今四月星孛女御女御為後宮五月又孛于東方七月星孛紫宮占曰天下易王

四年四月蚩尤旗見于東井後年傾三方伐吳是其應也

五年三月星孛于柳四月又孛于女御七月孛于紫宮占曰外臣陵主柳又三河分野大角太微紫宮女

御並為王者明年吳亡是其應也孛主兵喪征吳之役三河徐兗之兵悉出交戰於吳楚之地吳丞相都督以下梟戮十數偏裨行陣之徒馘斬萬計皆其徵也太康二年八月有星孛于張占曰為兵喪十一月星孛于軒轅占曰後宮當災

四年三月戊申星孛于西南是年齊王攸任城王陵琅邪王佃新都王詠薨

八年九月星孛于南斗長數十丈十餘日滅占曰斗主爵祿國有大憂一曰孛于斗王者疾病天下易改大亂兵起

太熙元年四月客星在紫宮占曰為兵喪太康末武帝耽宴遊多疾病是月己酉帝崩永平元年賈后誅楊駿及其黨與皆夷三族楊太后亦見弑又誅汝南王亮太保衛瓘楚王瑋王室兵喪之應也

惠帝元康五年四月有星孛于奎至軒轅太微經三台大陵占曰奎為魯又為庫兵軒轅為後宮太微天子庭三台為三司太陵有積尸死喪之事其後武庫火西羌反後五年司空張華遇禍賈后廢死魯公賈謚誅又明年趙王倫篡位於是三王興兵討倫兵士戰死十餘萬人

永康元年三月妖星見南方占曰妖星出天下大兵將起是月賈后殺太子趙王倫尋廢殺后斬司空張華又廢帝自立於是三王並起迭控天權其十二月彗星出牽牛之西指天市占曰牛者七政始彗出之改元易號之爲也天市一名天府一名天子旗帝坐在其中明年趙王倫篡位改元尋爲大兵所滅

二年四月彗星見齊占曰齊有兵喪是時齊王問起兵討趙王倫倫滅問擁兵不朝專權淫奢明年誅太安元年四月彗星晝見

二年三月彗星見東方指三台占曰兵喪之象三台爲三公三年正月東海王越執太尉長沙王又張方又殺之

永興元年五月客星守畢占曰天子絕嗣一曰大臣有誅時諸王擁兵其後惠帝失統終無繼嗣

三年八月有星孛于昴畢占曰爲兵喪昴畢又趙魏分野十月丁丑有星孛于北斗占曰璇璣更授天子出走又曰疆國發兵諸侯爭權是後諸王交兵皆有應明年惠帝崩

成帝咸和四年七月有星孛于西北犯斗二十三日滅占曰爲兵亂十二月郭默殺江州刺史劉胤荊州

刺史陶侃討默斬之時石勒又始僭號

咸康二年正月辛巳彗星夕見西方在奎占曰爲兵喪奎又爲邊兵三年正月石季龍僭天王位四年石季龍伐慕容皝不克旣退皝追擊之又破麻秋時皝稱蕃邊兵之應也

六年二月庚辰有星孛于太微七年二月杜皇后崩康帝建元元年十一月六日彗星見亢長七尺白色占曰亢爲朝廷主兵喪二年康帝崩

穆帝永和五年十一月乙卯彗星見于亢芒西向色白長一丈六年正月丁丑彗星又見于亢占曰爲兵

喪疾疫其五年八月褚裒北征兵敗十一月冉閔殺石遵又盡殺胡十餘萬人於是中土大亂十二月褚裒薨是年大疫

升平二年五月丁亥彗星出天船在胃占曰爲兵喪除舊布新出天船外夷侵一曰爲大水四年五月天下大水五年穆帝崩

哀帝興寧元年八月有星孛于角亢入天市案占曰爲兵喪三年正月皇后王氏崩二月帝崩三月慕容恪攻沒洛陽沈勁等戰死

海西太和四年二月客星見紫宮西垣至七月乃滅

占曰客星守紫宮臣弑主六年桓溫廢帝爲海西公
孝武寧康二年正月丁巳有星孛于女虛經氏亢角
軫翼張至三月景戌彗星見於氏九月丁丑有星孛
于天市占曰爲兵喪太元元年七月符堅破涼州虜
張天錫

太元十一年三月客星在南斗至六月乃没占曰有
兵有赦是後司雍充異常有兵役十二年正月大赦
八月又大赦

十五年七月壬申有星孛于北河或經太微三台文
昌入北斗色白長十餘丈八月戊戌入紫宮乃滅占

曰北河或一名北門胡門有兵喪掃太微入紫微三
者當之三台為三公文昌為將相將相三公有災入
北斗諸侯弑一曰掃北斗彊國發兵諸侯爭權大人
憂二十一年帝崩隆安元年王恭殷仲堪桓玄等並
發兵表以誅王國寶為名朝廷順而殺之并斬其表
弟緒司馬道子由是失勢禍亂成矣

十八年二月客星在尾中至九月乃滅占曰燕有兵
喪二十年慕容垂息寶伐魏為所破死者數萬人二
十一年垂死國遂衰亡
二十年九月有彗星如粉絮東南行塵女虛至彗星

占曰蓬星見不出三年必有亂臣戮死於市是時王國寶交構朝廷二十一年九月帝崩隆安元年三恭等興兵而朝廷殺三國寶王緒

安帝隆安四年二月己丑有星孛奎長三丈上至閣

道禁宮西蕃入北斗魁至三台三月遂經于太微帝

坐端門占曰彗星掃天子庭閣道易主之為經三台

入北斗占同上條十二月戊寅有星孛于貫索天市

天津占曰貴臣獄死内外有兵喪天津為賊斷去道

於是内外戒嚴營障屯守柵斷淮口九月

玄表至逆旨陵上其後玄遂篡位亂京都大飢人相

食百姓流亡皆其應也

元興元年十月有客星色白如粉絮在太微西至十

二月入太微占曰兵入天子庭二年十二月桓玄篡

位放遷帝后於尋陽以永安何皇后為零陵君三年

二月劉裕盡誅桓氏

義熙十一年五月甲申彗星二出天市掃帝坐在房

心北房心宋之分野案占得彗柄者興除舊布新宋

興之象

十四年五月庚子有星孛于北斗魁中七月癸亥彗

星出太微西柄起上相星下芒漸長至十餘丈進埽
北斗紫微中台占曰彗出太微社稷亡天下易王入
北斗紫微帝宮空十四年劉裕還彭城受宋公十二
月帝崩
恭帝元年正月戊戌有星孛于太微西蕃占曰革命
之徵其年宋有天下

星流墮

蜀後主建興十三年諸葛亮帥大衆伐魏屯于渭南
有長星赤而芒角自東北西南流投亮營三投再還
往大還小占曰兩軍相當有大流星來走軍上及

軍中者皆破敗之徵也九月亮卒守軍焚營而退群
帥交怨多相誅殘

魏明帝景初二年宣帝圍公孫文懿於襄平八月景
寅夜有大流星長數十丈白色有芒鬣從首山東北
流墜襄平城東南占曰圍城而有流星來走城上及
墜城中者破又曰星墜當其下有戰場又曰凡星所
墜國易姓九月文懿突圍走至星墜所被斬屠城坑
其衆

元帝景元四年六月有大流星二並如斗見西方分
流南北光照地隆隆有聲案占流星爲貴使星大者

使犬是年鍾鄧尅蜀二星蓋二帥之象二帥相背又
分流南北之應鍾會既叛三軍憤怒隆隆有聲兵將
怒之徵也

武帝泰始四年七月星隕如雨皆西流占曰星隕為
百姓叛西流吳人歸晉之象也二年吳夏口督孫秀
率部曲二千餘人來降

太康九年八月壬子星隕如雨劉向傳云下去其上
之象後三年帝崩而惠帝立天下自此亂矣

惠帝元康四年九月甲午枉矢東北行竟天

六年六月景午夜有枉矢自斗魁東南行案占曰以
亂伐亂北斗主執殺出斗魁居中執殺者不直之為
也是後趙王殺張裴廢賈后以理太子之寃因自篡
盜以至屠滅以亂伐亂之應也一曰氏帥齊萬年友
之應也

太安二年十一月辛巳有星晝隕中天北下光變白
有聲如雷案占名曰營首營首所在下有兵流血
明年劉元海石勒攻略并州多所殘滅王浚起燕代
引鮮卑攻掠鄴中百姓塗地有聲如雷怒之象也
永興元年七月乙丑星隕有聲

二年十月星又隕有聲占同上是後遂亡中夏

光熙元年五月枉矢西南流是時司馬越西破河間
兵奉迎大駕尋收繆胤何綏等肆無君之心天下惡
之及死而石勒焚其屍柩是其應也

懷帝永嘉元年九月辛卯有大星如日自西南流于
東北小者如斗相隨天盡赤聲如雷占曰流星為貴
使星大者使大是年五月汲桑殺東燕王騰遂據河
北十一月始遣和郁為征北將軍鎮鄴西田甄等大
破汲桑斬于樂陵於是甄為汲郡太守弟蘭鉅鹿
太守小星相隨者小將別帥之為也司馬越忿魏郡
以東平原以南皆當於桑以賞甄等於是侵掠桑地
有聲如雷忿怒之象也

四年十月庚子大星西北墜有聲尋而帝蒙塵于平陽

元帝太興三年四月壬辰枉矢出虛危漫翼軫占曰

枉矢所觸天下之所伐翼軫荆州之分野太寧二年

王敦殺譙王承及甘卓而敦又梟夷枉矢觸翼之應

永嘉元年七月甲午有流星大如瓮長百餘丈青赤

色從西方來尾分為百餘歧或散時王敦之亂百姓

流亡之應也

成帝咸康三年六月辛未流星大如二斗魁色青赤

光耀地出壘中漫婁北案占為饑五穀不歲是月大

早錄

六年二月庚午朔有流星大如斗光耀地出天市西
行入太微占曰大人當之八年六月成帝崩

穆帝永和八年六月辛巳日未入有流星大如三斗
魁後辰巳上東南行躔度推之在箕斗之間蓋燕分

也案占為營首營首之下流而滂沱是時慕容儁
稱大燕攻伐無已

十年四月癸未流星大如斗色赤黃出織女没造父
有聲如雷占曰燕齊有兵一曰姓流亡其年十二月慕容

儁遂據臨潼盡有幽并青冀之地緣河諸將奔散
河津隔絕慕容恪攻齊

升平二年十二月枉天自東流于西北其長半天
四年十月庚戌天狗見西南占曰有大兵流而

海西太和四年十月壬申有大流星而下有聲如雷
明年遣使免素真為庶人桓温征壽春真病死息瑾

代立求救於苻堅温破苻堅軍六月壽春城陷
孝武太元六年十月乙卯有奔星東南經翼軫聲如

雷占曰楚地有兵軍破百姓流亡十二月苻堅荊州
刺史梁成襄陽太守聞震率眾伐竟陵桓石虔擊大

破之生擒震斬首七千獲生口萬人聲如雷將帥怒

之象也

十三年閏月戊辰天狗東北下有鼓占曰有大戰之兆
曰是後慕容垂翟遼姚萇苻登慕容永並阻之爭
十四年正月彭城妖賊又稱偽號於皇立
破滅之三月張道破合鄉大山向欽之擊走之

安帝隆安五年三月甲寅流星赤色來多西行經寧
牛虛危天津閣道貫太微紫宮占曰星庶人類衆多
出衆將曲流之象經天子庭主
巨彊諸侯兵不
別禁至五月孫恩侵吳郡殺內史六月至京口於是
內外戒嚴營帥屯守劉裕追破之元興元年七月六

饑人相食浙江以東流亡十六七吳郡吳興戶口減
半又流奔而西者萬計十月桓玄遣將擊劉軌破走
之軌奔青州

雲氣

惠帝永興元年十二月壬寅夜有赤氣亘天碑隱有
聲二年十月丁丑赤氣見北方東西竟天占曰並
為大兵碑隱有聲怒之象也是後四海雲擾九服交
光熙元年十二月甲申有白氣若虹中天北下至地
夜見五日乃滅占曰大兵起明年王弥起青徐汲桑
亂河北毒流天下

懷帝永嘉三年十二月乙亥有白氣如帶出南北方
各一起地至天貫參伐中占曰天下大兵起四年三
月司馬越收繆胤等又三方雲擾攻戰不休五年三
月司馬越死於寧平城石勒攻破其衆死者十餘萬
人六月京都焚滅帝如虜庭
愍帝建興元年十月己巳夜有赤氣曜於西北荊州
刺史陶侃討杜弼之黨於石城戰敗

志第三

天文下

晉書十三

志第四

晉書十四

唐太宗文皇帝

御撰

地理上

雍州 魏州 司州 兗州 豫州
梁州 冀州 幽州 平州 并州
涼州 秦州 寧州

昔者元胎無象太素流形對越在天以為元首則記
所謂冬居營窟夏居橧巢飲血茹毛未有麻絲者也
及燧人鑽火庖犧出震風宗下武炎胤昌基畫野無
聞其歸一揆黃帝則東海南江登空躡岱至於崑崙
振轡風山訪道存諸汗竹不可厚誣高陽任地依神
帝皇順天行義東踰蟠木西濟流沙北至幽陵南撫

嘉靖戊午年

交趾日月所經舟車所至莫匪王臣不踰茲域帝堯
 時禹平水土以為九州虞舜登庸厥功彌劭表提類
 而今區宇判山河而考疆域冀北創并部之名燕齊
 起幽營之號則書所謂肇十有二州封十有二山者
 也夏功則于唐堯殷因無所損益周武克商自豐徂
 鎬至成王時改作禹貢徐梁入於青雍冀野析於幽
 并職方掌天下之士以周厥利保章辨九州之野皆
 有今星東南曰揚州正南曰荊州河南曰豫州正東
 曰青州河東曰兖州正西曰雍州東北曰幽州河內
 曰冀州正北曰并州始皇初并天下懲心戰國前罷

列侯分天下為三十六郡三川河東南陽南郡九江

薛郡東郡琅邪齊郡上谷漁陽右北平遼東岱
 郡鉅鹿邯鄲上黨太原雲中九原馬門上郡隴西北
 地漢中巴郡蜀郡黔中長沙凡三於是興師踰江平

取百越又置閩中南海桂林象郡凡四十郡郡一守
 焉其地則西臨洮而北沙漠東縈西帶皆臨大海漢

祖龍興華秦之弊分內史為三部更置郡國二十有

三桂陽江夏豫章河內魏郡東海楚國平原梁國之
 襄泰山汝南淮陽千乘東萊燕國清河信都常山

中山渤海廣漢涿郡合二十三也三內史者河上渭
 南中地也地理志曰高祖增二十六武帝改河上渭

南中地以為京兆馬文增厥九廣平城陽淄川濟南

胡扶風是為三輔也衡山武帝改景加其四濟北濟陰山陽北海武帝開

嘉靖戊午年

越攘胡初置十七南海蒼梧鬱林合浦交趾九真日南珠崖澹耳九郡平西南夷置并

柯越雋祝黎汶山犍為益州六郡西拓土今疆又增置武都郡又分立零陵郡合十七郡

十四弘農臨淮西河朔方酒泉陳留安定大水玄菟樂浪廣陵敦煌武威張掖昭帝少事

又增其一也金城至平帝元始二年凡新置郡國七十

有一與秦四十合一百一十有一改雍曰涼改梁曰

益又置徐州復夏舊號南置交趾比有朔方凡為十

三部涼益荆揚青豫兗徐幽并冀十一州交趾朔方二刺史合十三部光武投戈之

歲在彫耗之辰郡國蕭條并省者八城陽淄川高密膠東六安真定

泗水廣陽建武十一年省州牧復為刺史員十三人各掌

一州明帝置一永昌章帝置二任城和順改作其

有九和置濟北廣陽順改淮陽為陳改楚為彭城東為東平臨淮為下邳千乘為樂安信都為安

平天水為漢陽省朔方刺史合之於司隸凡十三部其與西

者司隸校尉部郡治而郡國百有八焉省前漢八今

河南朔方隸於并部置五改舊名恒靈頗增於前後置六郡恒高陽高

七因舊九十六少前漢三也恒靈頗增於前後置六郡涼博陵靈

南安鄴陽廬陵魏武定霸三方鼎立生靈版蕩關洛荒蕪所

置者十二新與樂平西平新平略陽陰平帶方譙樂陵章武南鄉襄陽所省者七

上郡朔方五原雲中定襄漁陽廬江而文帝置七朝歌陽平弋陽魏明

及少帝增二明上庸也得漢郡者五十四焉蜀先主

於漢建安之間初置郡九巴東巴西梓潼江陽汶後

主增二雲南得漢郡者十有一焉吳主大皇帝初置

嘉靖戊午年

郡五臨賀武昌珠崖少帝景帝各四湘東景天門建

安建平合歸命侯亦置十有二郡始安始興邵陵安

浦北部吳興東陽桂都得漢郡者十有八焉晉武帝太康元年

既平孫氏凡增置郡國二十有三崇陽上洛頓丘臨

長廣廣審昌黎新野隨郡陰平義陽毗陵淮東莞襄城汝陰

宣城南康晉安寧浦始平略陽樂平南平省司隸置

司州別立梁秦寧平四州仍吳之廣州凡十九州司

兖豫荆徐揚青幽平并仍吳所置郡國一百七十三仍

雍涼秦梁益寧交廣州仍漢舊郡國一百七十三仍

蜀新置十一仍魏所置二十仍以為冠帶之國盡有殷

周之士若乃敦龐於天地之始昭晰於犧農之世用

長黎元未卑疆場而玉環楛矢夷裘風駕南翬表貺

東風入律光乎上德奚遠弗臻然則星象麗天山河

紀地端披裁其弘敞嶠丞判其都邑仰觀俯察萬物

攸歸是以洛汜咸陽宛然秦漢晉濱河西同知堯禹

于茲新邑宅是鎬京五尺童子皆能口誦者史官弗

之書也昔庖犧氏生於成紀而為天子都於陳神農

氏都陳而別營于曲阜黃帝生於壽丘而都於涿鹿

少昊始自窮桑而遷都曲阜顓頊始自窮桑而徙邑

商丘高辛既號建都于亳孫卿子曰不登高山不知

天之高不臨深谿不知地之厚也大哉坤象萬物資

生載崑華而不墜傾河海而寧泄考小維王乘飛駐

嘉靖戊午年

四

軫睨嶠山而鑄勒覽魯城以爲翫時逢稽浸道接凌
夷平王東遷星離豆剖當塗馭寓瓜分鼎立世祖武
皇帝接千祀之餘當八堯之禪先王桑梓肇宇來歸
斯固可得而言者矣惠皇不虞中州盡棄永嘉南度
綸行建鄴九分天下而有二焉

昔大禹觀於濁河而受綠字寰瀛之內可得而言也
天有七星地有七表天有四維地有四瀆八紘之外
名爲八極地不足東南天不足西北八極之廣東西二億
三萬一千三百里南北二億三萬一千三百里自地
至天半八極之數自下亦如之昔堯帝令堅亥步自

東極至于西極五億十萬九千八百八步史臣按凡周天積百
七萬九百一十三里徑三十五萬六千九百七十里
所謂南北爲經東西爲緯天有十二次日月之所躔
地有十二辰王侯之所國也或因生得姓因功命土
祁酉燕齊在乎茲域昔黃帝旁行天下方制萬里得
百里之國萬區則周易所謂首出庶物萬國咸寧者
也昔在帝堯叶和萬邦制八家爲鄰三鄰爲朋三朋
爲里五里爲邑十邑爲都十都爲師州十有二師焉
夏后氏東漸于海西被于流沙南浮于江而朔南暨
聲教窮堅亥所步莫不率俾會羣臣於塗山執玉帛

者萬國於是九州之內作為五服天子之國內五百里甸服百里賦納揔二百里納鉅三百里納秸服四百里粟五百里米甸服外五百里侯服百里采二百里任三百里侯侯服外五百里綏服三百里揆文教三百里奮武衛綏服外五百里要服三百里夷二百里蔡要服外五百里蠻二百里流訖于四海弼成五服五服至于五千里夏德中微遇有窮之亂少康中興不失舊物自孔甲之後以至於桀諸侯相兼其能存者三千餘國方於塗山十損其七矣成湯敗桀於焦遷鼎于亳伊摯仲虺之徒大明憲典王者之制爵祿公侯伯子男凡五等天子之田方千里公侯田方百里伯七十里子男五十里不能五十里者不達於天子附於諸侯曰附庸凡四海之內九州州方千里州建百里之國三十七十里之國六十五十里之國百有二十凡二百一十國名山大澤不以封其餘以為附庸閒田八州州二百一十國天子之縣內百里之國九七十里之國二十有一五十里之國六十有三凡九十三國名山大澤不以班其餘以祿士以為閒田凡九州千七百七十二國天子之元士諸侯之附庸不與天子百里之內以供官千里

之內以為御千里之外設方伯五國以為屬屬有長
十國以為連連有帥三十國以為卒卒有正二百一
十國以為州州有伯八州八伯五十六正伯六十八
帥三百三十六長八伯各以其屬屬於天子之老二
人分天下為左右曰二伯千里之內曰甸千里之外
曰采曰流天子使其大夫為三監監於方伯之國國
三人天子之縣內諸侯祿也外諸侯嗣也

武王歸豐監於二代設爵惟五分土惟三封同姓五
十餘國周公康叔建於魯衛各數百里太公封於齊
萊東海者也凡一千八百國布列於五千里內而太

昊黃帝之後唐虞侯伯猶存大司徒以諸公之地封
疆方五百里其食者半諸侯之地方四百里其食者
三之一諸伯之地方三百里其食者三之一諸子之
地方二百里其食者四之一諸男之地方百里其食
者四之一不易之地家百畝一易之地家二百畝再
易之地家三百畝五家為比使之相保五比為閭使
之相受四閭為族使之相葬五族為黨使之相救五
黨為州使之相賙五州為鄉使之相賓小司徒以五
人為伍五伍為兩四兩為卒五卒為旅五旅為師五
師為軍以起軍旅以作田役以比追胥以令貢賦乃

經土地而井牧其田野九夫爲井四井爲邑四邑爲丘四丘爲甸四甸爲縣四縣爲郡遺人則十里有廬廬有飲食三十里有宿宿有路室路室有委五十里有市市有候候有館館有積遂人則五家爲隣五隣爲里四里爲鄴五鄴爲鄙五鄙爲縣五縣爲遂大司馬以九畿之籍施邦國之政方千里曰國畿其外方五百里曰侯畿又其外方五百里曰甸畿又其外方五百里曰男畿又其外方五百里曰采畿又其外方五百里曰衛畿又其外方五百里曰蠻畿又其外方五百里曰夷畿又其外方五百里曰鎮畿又其外方

五百里曰藩畿

畿田限也自王城以外面五千里爲界有分限者九也

于時治

致太平政稱刑措民口千三百七十一萬四千九百

三十三蓋周之盛者也其衰也則禮樂征伐出自諸

侯疆吞弱而衆暴寡春秋之初尚有千二百國迄獲

麟之末二百四十二年弒君三十六亡國五十二諸

侯奔走不得保其社稷者不可勝數而見於春秋經

傳者百有七十國焉百三十九知其所居

魯邾鄭宋紀衛西虢

莒齊陳杞蔡邢邾晉薛許鄧秦曹楚隨黃梁虞鄭小邾徐燕郟麋舒庸郟萊吳越有窮三苗瓜州有虞東

魏共宿申夷向南燕滕凡戴息郟丙魏淳于穀巴州蓼羅賴牟葛譚蕭遂滑權鄆霍耿江魚弦道柏微鄆

厲項密任頊句顯史頓管雍畢豐邾應蔣茅胙夔介焦沈六巢根牟唐黎郟取寒有葛斟灌斟尋過有過

戈福陽郭鑄豕韋唐杜楊爾觀卮邳胡黎大庭三
駱坡邨鍾吾蒲姑昆吾房密須甲父鄆桐毫韓趙

十一國盡亡其處祭極荀賈貳軫絞於餘丘陽箕英

媯奄商奄襄姒蓀有蠻夷戎狄不在其間五伯迭興

總其盟會陵夷至于戰國遂有七王韓魏趙燕齊秦楚又有

宋衛中山不斷如綫如三晉篡奪亦稱孤也司馬法

廣陳三代曰古者六尺為步步百為畝畝百為夫夫

三為屋屋三為井井方一里是為九夫八家共之一

夫一婦受私田百畝公田十畝是為八百八十畝餘

二十畝為廬舍出入相友守望相助疾病相救民受

田上田夫百畝中田夫二百畝下田夫三百畝歲受

耕之爰自其處其家衆男為餘夫亦以口受田如此

士工商家受田五口乃當農夫一口有賦有稅稅謂

公田什一及工商衡虞之入也賦供車馬甲兵士從

之役民年二十受田六十歸田種穀必雜五種以備

災旱田中不得有樹以妨五穀環廬種桑柘菜茹有

畦瓜瓠果贏植於疆場雞狗豕無失其時間有序

鄉有庠序以明教庠以行禮司馬之法官設六軍之

衆因井田而制軍令地方一里為井井十為通通十

為成成方十里成十為終終十為同同方百里同十

為封封十為畿畿方千里故井四為邑邑四為丘丘

國子監刊
十六井有戎馬一匹牛三頭四丘為甸甸六十四井
也有戎馬四匹兵車一乘牛十二頭甲士三人卒七
十二人是謂乘車之制一同百里提封萬井除山川
坑岸城池邑居園囿街路三千六百井定出賦六千
四百井戎馬四百匹兵車百乘此卿大夫采地之大
者也是謂百乘之家一封三百六十六里提封十萬
井定出賦六萬四千井戎馬四千匹兵車千乘此謂
諸侯之大者也謂之千乘之國天子畿內方千里提
封百萬井定出賦六十四萬井戎馬四萬匹兵車萬
乘戎卒七十二萬人故天子稱萬乘之主焉

秦始皇既得志於天下訪周之敗以為處上橫議諸
侯尋戈四夷交侵以弱見奪於是削去五等焉

漢興創艾亡秦孤立而敗於是割裂封疆立爵二等
功臣侯者百有餘邑于時民罹秦項戶口彫斃大侯
不過萬家小者五六百戶而尊王子弟大啓九國古
者有分土而無分民若乃大者跨州連郡小則十有
餘城以戶口為差降略封疆之遠近所謂分民自漢
始也起鴈門以東盡遼陽為燕代常山以南太行左
轉渡河濟漸于海為齊趙穀泗以注奄有龜蒙為梁
楚東帶江湖薄會稽為荆吳北界淮瀕略廬衡為淮

南波漢之陽亘九疑為長沙諸侯北境周匝三垂外
接胡越天子自有三河東郡潁川南陽自江陵以西
至巴蜀北至雲中西至隴西與京師內史凡十五郡
文帝采賈生之議分齊趙景帝用朝錯之計削吳楚
武帝施主父之冊下推恩之令使諸侯王得分戶邑
以封子弟不行黜陟而藩國自析自此以來齊分為
七趙分為六梁分為五淮南分為三皇子始立者大
國不過十餘城長沙燕代雖有舊名皆亡南北邊矣
自文景與民休息至平帝元始二年民戶千二百二
十二萬二千六十二口五千九百五十九萬四千九
百七十八其地東西九千三百二里南北萬三千三
百六十八里大率十里一亭亭有長十亭一鄉鄉有
三老有秩嗇夫游徼各一人縣大率方百里民稠則
減稀則曠鄉亭亦如之皆秦制也

光武中興不踰前制東海王疆以去就有禮故優以
大封兼食魯郡二十九縣其餘稱為寵錫者兼一郡
而已至和帝永壽三年戶千六十七萬七千九百六
十口五千六百四十八萬六千八百五十六斯亦戶
口之滋殖者也

獻帝建安元年拜曹操為鎮東將軍封費亭侯

國子監刊
魏文帝黃初三年初制封王之庶子爲鄉公嗣王之庶子爲侯公侯之庶子爲亭伯

劉備章武元年亦以郡國封建諸王或遙採嘉名不由檢土地所出其戶二十萬男女口九十萬

孫權赤烏五年亦取中州嘉號封建諸王其戶五十萬三千男女口二百四十萬

晉文帝爲晉王命裴秀等建立五等之制惟安平郡公受邑萬戶制度如魏諸王其餘縣公邑千八百戶

地方七十五里大國侯邑千六百戶地方七十里次國侯邑千四百戶地方六十五里大國伯邑千二百

戶地方六十里次國伯邑千戶地方五十五里大國

子邑八百戶地方五十里次國子邑六百戶地方四

十五里男邑四百戶地方四十里

武帝泰始元年封諸王以郡爲國邑二萬戶爲大國

置上中下三軍兵五千人邑萬戶爲次國置上軍下

軍兵三千人五千戶爲小國置一軍兵千五百人王

不之國官於京師罷五等之制公侯邑萬戶以上爲

大國五千戶以上爲次國不滿五千戶爲小國太康

元年平吳大凡戶二百四十五萬九千八百四十口

一千六百一十六萬三千八百六十三而江左諸國

並三分食一元帝渡江太興元年始制九分食一
司州按禹貢豫州之地及漢武帝初置司隸校尉所
部三輔三河諸郡其界西得雍州之京兆馮翊扶風
三郡北得冀州之河東河內二郡東得豫州之弘農
河南二郡郡凡七位望降于牧伯銀印青綬及光武
都洛陽司隸所部與前漢不異魏氏受禪即都漢宮
司隸所部河南河東河內弘農并冀州之平陽合五
郡置司州晉仍居魏都乃以三輔還屬雍州分河南
立滎陽分雍州之京兆立上洛廢東郡立頓丘遂定
名司州以司隸校尉統之州統郡一十二縣一百戶

四十七萬五千七百

河南郡 漢置統縣十二戶一十

洛陽 置尉五部三市東西七里南北九里東有建春
東陽清明三門南有開陽平昌宣陽建陽四門

西有廣陽西明閭闔三門北有大夏廣莫
二門司隸校尉河南尹及百官列城內也 河南 周東

城郊 鞏 周孝王封周桓公孫惠公於鞏號東周故
都也 鞏 戰國時有東西周號於山首陽其界也 河

陰 新安 函谷關 成臯 有開鄭 緱氏 有劉聚周大夫
所居 之武牢 劉子邑有延壽

城仙 陽城 有鄂阪關北邑是為地中夏至景尺
人祠 陽城 五寸有陽城山箕山許由墓在焉 新城

有延壽關故 陸渾 故蠻子國楚莊 梁 戰國時謂為南
戌蠻子之國 陸渾 上伐陸渾是也 梁 梁別少梁也

陽翟

滎陽郡 秦始皇二年置流縣

萬曆七年

戶三萬四千

榮陽地名放秦京鄭大叔密故周卷有博浪長沙張良擊秦始皇處

陽武苑陵 甲牟六國時趙開封朱蓬池在東

弘農郡漢置統縣六

弘農本函谷關漢武湖故曰胡漢陝故魏國周分陝

宜陽 龜池 華陰華山在

上洛郡秦始二年分京兆南郡

上洛峽關在商秦相衛盧氏熊河山在東

平陽郡故屬河東魏分立統

平陽舊堯都楊故楊端氏韓魏趙既為諸侯永安故

蒲子 狐譟 襄陵公國絳邑晉武公自漢

澤在西南臨汾公國北屈壺口山在皮氏故耿

河東郡秦置統縣九

安邑舊舜聞喜故曲沃晉武公垣屋山在東汾陽

公相大陽吳山在西周武王封猗氏古猗鮮有塩蒲

坂有歷山舜所耕也有雷首山河北

汲郡秦始二年置統縣

汲有銅朝歌紂所共淇水所出林慮獲嘉故及新

武帝行過時獲脩武秦改名脩武

河內郡漢置統縣九

野王在大行山故晉懷平皇徙自襄河陽 沁

萬曆七年

水故周 軹原邑 山陽 温故國

廣平郡魏置統縣十五戶 邯鄲秦置 易陽 武安 涉 襄國故邢侯

南和 任 曲梁 列人 肥鄉 臨水 廣年侯

斥漳 平恩

陽平郡魏置統縣七

元城漢元后 館陶 清泉 發于 東武陽 陽平

樂平

魏郡漢置統縣八

鄴魏武受 長樂 魏 斥丘 安陽 蕩陰 內黃

黃池 故黎 在西 黎陽侯國

頓丘郡秦始皇二年置統縣

頓丘 繁陽 陰安 衛

永嘉之後司州淪沒劉聰聰以洛陽為荊州及石勒

復以為司州石季龍又分司州之河南河東弘農滎

陽兖州之陳留東燕為洛州元帝渡江亦僑置司州

於徐非本所也後以弘農人流寓尋陽者僑立為弘

農郡又以河東人南寓者於漢武陵郡孱陵縣界上

明地僑立河東郡統安邑聞喜永安臨汾弘農譙松

滋大戚八縣並寄居焉永和五年桓温入洛復置河

萬曆三年

萬曆三年

南郡屬司州

○兗州按禹貢濟河之地舜置十二牧則其一也周

禮河東曰兗州春秋元命包云五星流為兗州兗瑞

也信也又云蓋取兗水以名焉漢武帝置十三州以

舊名為兗州自此不改州統郡國八縣五十六戶八

萬三千三百

陳留國 漢置統縣十戶

小黃 浚儀有洪濟漢高祖封丘 酸棗 烏巢地濟

陽 長垣故匡城孔子所厄也 雍丘 故杞 尉氏 襄邑 外黃

濮陽國 故屬東郡晉初分東郡

濮陽 古昆吾國師延為紂作靡靡廩丘 公國相有白

馬 有瓠 鄆城 公國相

濟陽郡 漢置統縣九

定陶 漢高帝封彭城 乘氏 故侯 句陽 離狐 宛句

已氏 成武 有楚亭 單父 故侯 城陽 舜所漁堯冢在西

高平國 故屬梁國晉初分山陽

昌邑 侯相有 鉅野 魯獲 方與 金鄉 陸湖 高平

南平陽 侯國有

任城國 古亢父 樊

萬曆三年

東平國

漢置統縣七戶六千四百

須昌

壽張

有蚩尤祠

無鹽

富城

東平陸

剛

平

濟北國

漢置統縣五戶三千五百

廬

編鵲所生縣

臨邑

東阿

穀城

有烏蛇丘

有下灌亭

泰山郡

漢置統縣十一戶九千三百

奉高

西南有明臺

博山

龜

南武城

梁父

侯國有山

在

在山在東

新泰

故曰平陽

南武陽

有顯城

萊蕪

有原

東牟

故

國

鉅平

有開亭

惠帝之末兗州闔境淪沒石勒後石季龍改陳留郡

為建昌郡屬洛州是時遺蔡南渡元帝僑置兗州寄

居京口明帝以郟鑿為刺史寄居廣陵置濮陽濟陰

高平太山等郡後改為南兗州或還江南或居盱眙

或居山陽後始割地為境常居廣陵南與京口對岸

咸康四年於北譙界立陳留郡安帝分廣陵郡之建

陵臨江如臯寧海蒲濤五縣置山陽郡屬南兗州

○豫州按禹貢為荆河之地周禮河南曰豫州豫者

舒也言稟中和之氣性理安舒也春秋元命包云鈞

鈐星別為豫州地界西自華山東至于淮北自濟南

界荆山秦兼天下以為三川河東南陽潁川碭泗水

薛七郡漢改三川為河南郡武帝置十三州豫州舊名不改以河南河東二郡屬司隸又以南陽屬荊州先是改泗水曰沛郡改碭郡曰梁改薛曰魯分梁沛立汝南郡分潁川立淮陽郡後漢章帝改淮陽曰陳郡魏武分沛立譙郡魏文分汝南立弋陽郡及武帝受命又分潁川立襄城郡分汝南立汝陰郡合陳郡於梁國州統郡國十縣八十五戶十一萬六千七百九十六

潁川郡秦置統縣九戶

許昌漢獻帝都許魏禪徙都洛陽許宮室武庫存馬改為許昌長社 潁陰 臨

潁公國 鄧 邵陵公國 陽陵公國 新汲 長平

汝南郡漢置統縣十五戶一萬一千五百

新息 南安陽 安成侯慎陽 北宜春 朗陵

陽安故江國有江亭 上蔡 平輿故沈子國有沈亭 定潁 濯陽

南頓 汝陽 吳房故房子國 西平故栢國有龍泉水可用淬刀劍

襄城郡秦始皇二年置統縣七戶一萬八千

襄城侯相有西 繁昌魏文受禪於此 定陵侯父城侯昆

陽公國 舞陽宣帝始封此邑

汝陰郡魏置郡後廢秦置統縣八戶八千五百 二年復

汝陰故胡慎邑 原鹿 固始 鯽陽 新蔡 宋

侯 襄信

萬曆三年

晉書

卷之四

梁國 漢置統縣十二

睢陽 春秋時宋都 蒙 虞 下邑 有礪山 寧陵 故葛穀

熟 陳 項 長平 陽夏 武平 苦 東有賴鄉

沛國 漢置統縣九

相 沛 漢高祖所起處 豐 竺 邑 符離 杼秋 汶 虹

蕭 譙郡 魏置統縣七戶一千

譙郡 魏置統縣七戶一千 城父 鄴 山桑 龍亢 蘄 銓

魯郡 漢置統縣七戶二千五百

魯 曲阜之地魯侯伯禽所居 汶陽 卞 鄒 有繹 番 故小邾

封公丘 弋陽郡 魏置統縣七戶一萬六千七百

西陽 故弦 軹 蘄 西陵 期思 弋陽

安豐郡 魏置統縣五戶一千二百

安風 雩婁 安豐 侯相 松滋 侯相

惠帝分汝陰立新蔡分梁國立陳郡分汝南立南頓

永嘉之亂豫州淪沒石氏 元帝渡江以春穀縣僑

立襄城郡及繁昌縣成帝乃僑立豫州於江淮之間

居蕪湖時淮南入北乃分卅楊僑立淮南郡居于湖

吉嘉靖戊午年

又以舊當塗縣流人渡江僑立為縣并淮南廬江安
 豐並屬豫州寧康元年移鎮姑孰孝武改蕪春縣為
 蕪陽縣因新蔡縣人於漢九江王黥布舊城置南新
 蔡郡屬南豫州又於漢廬江郡之南部置晉熙郡
 ○冀州按禹貢周禮並為河內之地舜置十二牧則
 其一也春秋元命包云昴畢散為冀州分為趙國其
 地有險有易帝王所都亂則冀安羽則冀疆荒則冀
 豐舜以冀州南北濶大分衛以西為并州燕以北為幽州
 周人因焉及漢武置十三州以其地依舊名為冀州歷
 漢至晉不改州統郡國十三縣八十二戶二十二萬六千

國 漢置統
戶四萬

房子 元氏 平棘 高邑 公國相 中丘 相人 平

鄉 下曲陽 故鼓
子國 鄆

鉅鹿國 秦置統縣二
戶一萬四千

廩陶 鉅鹿

安平國 漢置統縣八
戶二萬一千

信都 下博 武邑 武遂 觀津 侯相 扶柳 廣宗

侯 經

平原國 漢置統縣九
戶三萬一千

平原 高唐 在平 博平 聊城 安德 西平

昌般般 鬲

樂陵國 漢置統縣五
戶三萬三千

厭次 陽信 漯沃 新樂 樂陵 有都尉居

勃海郡 漢置統縣
十戶四萬

南皮 東光 浮陽 饒安 高城 重合 東安

陵 修 廣川 侯相 阜城

章武國 秦始皇元年置統縣
四戶二萬三千

東平舒 又安 章武 東州

何間國 漢置統縣六
戶二萬七千

樂城 侯相 武垣 鄭 侯相 易城 中水 成平

高陽國 秦始皇元年置統
縣四戶七千

博陸 高陽 北新城 侯相 蠡吾

博陵國 漢置統縣
四戶一萬

安平 饒陽 南深澤 安國

清河國 漢置統縣六
戶二萬二千

清河 東武城 繹幕 侯相 具丘 靈郇

中山國 漢置統縣八
戶三萬二千

盧奴 魏昌 新市 安喜 陰 望都 唐

北平郡 漢置統縣八

常山郡 漢置統縣八
戶二萬四千

真史 石邑 井陘 上曲陽 桓山在馬西北 蒲吾

南行唐 靈壽 九門 相侯

惠帝之後冀州淪沒於石勒勒以太興三年僭號於襄國稱趙後為慕容雋所滅慕容氏又為苻堅所滅孝武太元八年堅敗其地入慕容垂垂僭號於中山是為後燕後燕卒滅於魏

○幽州按禹貢冀州之域舜置十二牧則其一也周禮東北曰幽州春秋元命包云箕星散為幽州分為燕國言北方太陰故以幽冥為號武王定殷封召公於燕其後與六國俱稱王及秦滅燕以為漁陽上谷

右北平遼西遼東五郡漢高帝分上谷置以郡武帝置十三州幽州依舊名不改其後開東邊置玄菟樂浪等郡亦皆屬焉元鳳元年改燕曰廣陽郡幽州所部凡九郡至晉不改幽州統郡國士縣三十四戶五萬九千二十

范陽國 漢置涿郡魏文吏各范陽郡武帝置國封宣帝弟子綏為王統縣八戶一萬一千

涿 良鄉 方城 長鄉 道 故安 范陽 容

城 相侯

燕國 漢置孝昭改為廣陽郡統縣十戶二萬九千

薊 安次 相侯 昌平 軍都 有 廣陽 潞 安國 國相蜀主

萬曆十年補刊

劉禪封泉州獬雍奴狐奴

比平郡秦置統縣四戶五千

徐無 土垠 俊靡 無終

上谷郡秦置郡在谷之上頭故因名西統縣二戶四千七十

沮陽 居庸

廣甯郡故屬上谷太康中置郡都尉居統縣三戶三千九百三十

下洛 潘 涿鹿

代郡秦置統縣四戶五千四百

代 廣昌 平舒 富城

遼西郡秦置統縣三戶二千八百

陽樂 肥如 海陽

惠帝之後幽州沒於石勒及穆帝永和五年慕容儁僭號於薊是為前燕七年儁移都於鄴儁死子晞為苻堅所滅堅敗地復入慕容垂是為後燕垂死寶遷于和龍

○平州按禹貢冀州之域於周為幽州界漢屬右北平郡後漢末公孫度自號平州牧及其子康康子文懿並擅撫遼東東夷九種皆服事焉魏置東夷校尉居襄平而分遼東昌黎玄菟帶方樂浪五郡為平州後還合為幽州及文懿滅後有護東夷校尉居襄平

咸寧二年十月分昌黎遼東玄菟帶方樂浪等郡國五置平州統縣二十六戶六萬六千一百

昌黎郡 漢屬遼東屬國都尉魏置郡統縣二戶九百

昌黎 賓徒

遼東國 秦立為郡漢光武以遼東等屬青州後還幽州統縣八戶五千四百

襄平 東夷校尉所居 汶 居就 樂就 安市 西安平

新昌 力城

樂浪郡 漢置統縣六戶三千七百

朝鮮 周封箕子地 屯有 渾彌 遂城 秦築長城之所起 樓方

望

玄菟郡 漢置統縣三戶三千二百

高句麗 望平 高顯

帶方郡 公孫度置統縣七戶四千九百

帶方 列口 南新 長岑 提奚 含資 海冥

平州初置以慕容廆為刺史遂屬永嘉之亂廆為衆

所推及其孫雋移都于薊其後慕容垂子寶又遷于

和龍自幽州至於廬溥鎮以南地入於魏慕容熙以

幽州刺史鎮令支青州刺史鎮新城并州刺史鎮凡

城營州刺史鎮宿軍冀州刺史鎮肥如高雲以幽冀

二州牧鎮肥如并州刺史鎮白狼後為馮跋所篡跋

嘉靖戊午年

借號於和龍是為後燕卒滅於魏

○并州按禹貢蓋冀州之域舜置十二牧則其一也周禮正北曰并州其鎮曰恒山春秋元命包云營室流為并州分為衛國州不以衛水為號又不以恒山為稱而云并者蓋以其在兩谷之間也漢武帝置十三州并州依舊名不改統上黨太原雲中上郡鴈門代郡定襄五原西河朔方十郡又別置朔方刺史後漢建武十一年省朔方入并州靈帝末羌胡大擾定襄雲中五原朔方上郡等五郡並流徙分散建安十八年省入冀州二十年始集塞下荒地立新興郡後又分

上黨立樂平郡魏黃初元年復置并州自陘嶺以北并棄之至晉因而不改并州統郡國六縣四十五戶五萬九千三百

太原國

秦置統縣十三戶一萬四千

晉陽

侯相

陽曲

榆次

于離

孟

狼孟

陽邑

大陵

祁

平陶

京陵

中都

邬

上黨郡

秦置統縣十戶一萬三千

潞

屯留

壺關

長子

泫氏

高都

銅鞮

涅

襄垣

武鄉

西河國

漢置統縣四戶六千三百

離石 隰城 中陽 介休

樂平郡 秦始中置統縣五戶四千三百

沾 上艾 壽陽 轅陽 樂平

鴈門郡 秦置統縣八戶一萬二千七百

廣武 崞 涅陶 平城 後人 繁峙 原平

馬邑

新興郡 魏置統縣五戶九千

九原 定襄 雲中 廣牧 晉昌

惠帝改新興為晉昌郡及永興元年劉元海僭號於平陽稱漢於是并州之地皆為元海所有元海乃以

雍州刺史鎮平陽幽州刺史鎮離石及劉聰攻陷洛陽置左右司隸各領戶二十餘萬萬戶置一內史凡內史四十三人單于左右輔各主六夷又置殷衛東梁西河陽北兗五州以懷安新附劉曜徙都長安其平陽以東地入石勒勒平朔方又置朔州自惠懷之間離石縣荒廢勒於其處置永石郡又別置武鄉郡及符堅姚興赫連勃勃并州並徙置河東又姚興以河東為并冀二州云

○雍州按禹貢黑水西河之地舜置十二牧則其一也以其四山之地故以雍名焉亦謂西北之位陽所

不及陰陽氣雍闕也周禮西曰雍州蓋并禹梁州之地周自武王尅殷都於鄠鎬雍州為王畿及平王東遷洛邑以岐鄠之地賜秦襄公則為秦地累世都之至始皇遂平六國秦滅漢又都之及武帝置十三州其地以西偏為涼州其餘並屬司隸不統於州後漢光武都洛陽關中復置雍州後罷復置司隸校尉統三輔如舊獻帝時又置雍州自三輔距西域皆屬焉魏文帝即位分河西為涼州分隴右為秦州改京兆尹為太守馮翊扶風各除左右仍以三輔屬司隸晉初於長安置雍州統郡國七縣三十九戶九萬九千

五百

京兆郡 漢置統縣九戶四萬

長安 杜陵 霸城 藍田 高陸 萬年 故櫟陽縣

新豐 陰般 鄭 周宣王弟鄭桓公邑

馮翊郡 漢置名左馮翊統縣八戶七十七百

臨晉 故火蕩秦獲之更名有下邳秦武公伐邾

重泉 頻陽 栗邑 連芍 郃陽

夏陽 故少梁秦惠女王更名梁山在西北

扶風郡 漢武帝以為主爵都尉太初中更名右扶風統縣六戶二萬三千

池陽 漢惠帝置成國渠 郿 成國渠首受渭 雍 侯相有五時太昊費

汧 吳山在西北 陳倉 岐山在西北 美陽 周太王所居

安定郡 漢置統縣七 臨涇 朝那 烏氏 都盧 鶉觚 陰密 秦時密國

西川

北地郡 秦置統縣二

泥陽 富平

始平郡 秦始三年置統縣三

槐里 秦曰廢丘漢高帝更名有黃山官 始平 武功 太一山在東

鄠 古國夏所伐 蒯城

新平郡 漢置統縣二

漆 漆水在西北 汾邑

惠帝即位改扶風國為秦國徙都建興之後雍州沒

於劉聰及劉曜徙都長安改號曰趙以秦涼二州牧

鎮上邽朔州牧鎮高平幽州刺史鎮北地并州牧鎮

蒲坂石勒尅長安復置雍州石氏既敗符建僭據關

中又都長安是為前秦於是乃於雍州置司隸校尉

以豫州刺史鎮許昌秦州刺史鎮上邽荊州刺史鎮

豐陽洛州刺史鎮宜陽并州刺史鎮蒲坂苻堅時分

司隸為雍州分京兆為咸陽郡洛州刺史鎮陝城滅

燕之後分幽州置平州鎮龍城幽州刺史鎮劉城河

州刺史鎮抱罕并州刺史鎮晉陽豫州刺史鎮洛陽
兖州刺史鎮倉垣雍州刺史鎮蒲坂於是移洛州居
豐陽以許昌置東豫州以荊州刺史鎮襄陽徐州刺
史鎮彭城既而姚萇滅苻氏是為後秦及萇子興尅
洛陽以并冀二州牧鎮蒲坂豫州牧鎮洛陽兖州刺
史鎮倉垣分司隸領北五郡置雍州刺史鎮安定及
姚泓為劉裕所滅其地尋入赫連勃勃勃勃僭號於
統萬是為夏置幽州牧於大城又平劉義真於長安
遣子瓚鎮馬號曰南臺以朔州牧鎮三城秦出刺史
鎮杏城雍州刺史鎮陰密并州刺史鎮蒲坂梁州牧
鎮安定北秦州刺史鎮武功豫州牧鎮李閏荊州刺
史鎮陝其州郡之名並不可知也然自元帝渡江所
置州亦皆遙領初以魏該為雍州刺史鎮鄠城尋省
僑立始平郡寄居武當城有秦國流人至江南改堂
邑為秦郡僑立尉氏縣屬焉康帝時庾翼為荊州刺
史遷鎮襄陽其後秦雍流人多南出樊沔孝武始於
襄陽僑立雍州仍立京兆始平扶風河南廣平義賊
北河南七郡並屬襄陽襄陽故屬荊州

○涼州按禹貢雍州之西界周衰其地為狄秦興美
陽甘泉宮本匈奴鑄金人祭天之處匈奴既失甘泉

又使休屠渾邪王等居涼州之地二王後以地降漢
漢置張掖酒泉敦煌武威郡其後又置金城郡謂之
河西五郡漢改周之雍州為涼州蓋以地處西方常
寒涼也地勢西北邪出在南山之間南隔西卷西通
西域于時號為斷匈奴右臂獻帝時涼州數有亂河
西五郡去州隔遠於是乃別以為雍州末又依古典
定九州乃合關右以為雍州魏時復分以為涼州刺
史領戊巳校尉護西域如漢故事至晉不改統郡八
縣四十六戶二萬七百
金城郡 漢置統縣五戶二千

榆中

允街

金城

白土

浩疊

西平郡

漢置統縣四戶四千

西都

臨羌

長寧

安夷

武威郡

漢置統縣七戶五千九百

姑臧

宣威

揖次

倉松

顯美

驪鞞

番禾

張掖郡

漢置統縣三戶三千七百

永平

臨澤

漢昭武縣避景帝諱改也

屋蘭

漢因屋蘭名焉

西郡

漢置統縣五戶一千九百

日勒

刪丹

仙提

萬歲

蘭池

一云蘭絕池

酒泉郡

漢置統縣九戶四千四百

嘉靖戊午年

五十六

三

福祿 會水 安彌 駢馬 樂涪 表氏 延壽

玉門 沙頭

敦煌郡 漢置統縣十二 戶六千三百

昌蒲 敦煌 龍勒 陽關 效穀 廣至 宜禾

宜安 深泉 伊吾 新鄉 軋齊

西海郡 故屬張掖漢獻帝興平二年武威太守張雅請置統縣一戶二千五百

居延 澤在東南尚書所謂流沙也

元康五年惠帝分敦煌郡之宜禾伊吾宜安深泉廣至等五縣分酒泉之沙頭縣又別立會稽新鄉凡八

縣為晉昌郡永寧中張軌為涼州刺史鎮武威上

請合秦雍流移人於姑臧西北置武興郡統武興大

城烏支襄武晏然新鄯平狄司監等縣又分西平界

置晉興郡統晉興枹罕永固臨津臨鄯廣昌大夏遂

興罕唐左南等縣是時中原淪沒元帝徙居江左軌

乃控據河西稱晉正朔是為前涼及張寔分金城之

令居枝楊二縣又立永登縣合三縣立廣武郡張茂

分武與金城西平安故為之州張駿分武威武興西

平張掖酒泉建康西郡湟河晉興湏武合十一郡為

涼州興晉金城武始南安永晉大夏武成漢中為河

州敦煌晉昌西域都護張茂以校尉王門大護軍三

郡三營為沙州張駿假涼州都督攝三州張祚又以
 敦煌郡為商州永興中置漢陽縣以守牧地張玄靚
 改為祁連郡張天錫又別置臨松郡天錫降於苻氏
 其地尋為呂光所據呂光都於姑臧後以鄯磨言議
 改昌松為東張掖郡及呂隆降於姚興其地三分武
 昭王為西涼建號於敦煌禿髮烏孤為南涼建號於
 樂都沮渠蒙遜為北涼建號於張掖而分據河西五
 郡

○秦州按禹貢本雍州之域魏始分隴右置焉刺史
 領護羌校尉中間暫廢及泰始五年又以雍州隴西

五郡及涼州之金城梁州之陰平合七郡置秦州鎮
 興城太康三年罷秦州并雍州七年復立鎮上邽統

郡六縣二十四戶三萬二千一百
 隴西郡秦置統縣四戶三千

襄武首陽鳥鼠山在東臨洮狄道
 南安郡漢置統縣二戶四千三百

徠道新興中陶
 天水郡漢武置孝明改為漢陽晉復為天子統縣六戶八千五百

上邽秦州故居始昌新陽漢顯親縣成紀
 略陽郡本名廣魏泰始中更名焉統縣四戶九千三百二十

臨渭 平襄 略陽 清水

武都郡 漢置統縣五戶三千

下辯 河池 沮 武都 故道

陰平郡 泰始中置統縣二戶三千

陰平 平廣

惠帝分隴西之狄道臨洮河關又立洮陽遂平武街

始興第五真仇六縣合九縣置狄道郡屬秦州張駿

分屬涼州又以狄道縣立武始郡江左分涼為秦寄

居涼州又立氏池為北秦州

○涼州按禹貢華陽黑水之地舜置十二牧則其一

也涼者言西方金剛之氣彊涼故因名焉周禮職方

氏以涼并雍漢不立州名以其地為益州及獻帝初

平六年以臨江縣屬永寧郡建安六年劉璋改永寧

為巴東郡分巴郡墊江置巴西郡劉備據蜀又分廣

漢之葭萌涪城梓潼白水四縣改葭萌曰漢壽又立

漢德縣以為梓潼郡割巴西郡之宕渠宣漢漢昌三縣

置宕渠郡尋省以縣並屬巴西郡泰始三年分益州

立涼州於漢中改漢畫為晉壽又分廣漢置新都都

郡涼州統郡八縣二十八戶七萬六千三百

漢中郡 秦置統縣八戶一萬五千

嘉靖戊午年

南鄭 蒲池 褒中 沔陽 成固 西鄉 黃金

興道

梓潼郡 蜀置統縣八戶一萬二千

梓潼 涪城 武連 黃安 漢德 晉壽 劔閣

白水

廣漢郡 漢置統縣三戶五千一百

廣漢 德陽 五城

新都郡 秦始皇二年置統縣四戶二萬四千五百

維 什方 縣竹 新都

涪陵郡 蜀置統縣五戶四千二百

漢復 涪陵 漢平 漢葭 萬寧

巴郡 秦置統縣四戶三千三百

江州 墊江 臨江 枳

巴西郡 蜀置統縣九戶一萬二千

南中 西充國 蒼溪 岐嶺 南充國 漢昌

宕渠 安漢 平州

巴東郡 漢置統縣三戶六千五百

魚腹 朐臆 南浦

太康六年九月罷新都郡并廣漢郡惠帝復分巴西置宕渠郡統宕渠漢昌宣漢三縣并以新城魏興上

庸合四郡以屬梁州尋而梁州郡縣沒于李特永嘉
中又分屬楊茂搜其晉人徙寓於梁益者仍於二州
立南北一陰平郡及相溫平蜀之後以巴漢流人立
晉昌郡領長樂安晉延壽安樂宣漢寧郡新興吉陽
東關永安十縣又置益昌二郡與二縣屬巴西郡於德
陽界東西置遂寧郡又於晉壽郡統晉壽白水郤歡興安
孝武分梓潼北界立晉壽郡統晉壽白水郤歡興安
四縣梓潼郡徙居梓潼縣領閬縣又別置南漢中郡
分巴西梓潼為金山郡及安帝時又立新巴汶陽二
郡又有北新巴華陽南陰平北陰平四郡其後又立

巴渠懷安宋熙白水上洛壯上洛南宕渠懷漢新興
安康等十郡

○益州按禹貢及舜十二牧俱為梁州之域周合梁
於雍則又為雍州之地春秋元命包云參伐流為益
州益之為言阨也言其所在之地險阨也亦曰疆壤
益大故以名焉始秦惠王滅蜀置郡以張若為蜀守
及始皇置三十六郡蜀郡之名不改漢初有漢中巴
蜀高祖六年分蜀置廣漢凡為四郡武帝開西南夷
更置犍為牂牁越嶲益州四郡凡八郡遂置益州統
焉益州蓋始此也及後漢明帝以新附置朱昌郡安

帝又以諸道置蜀廣漢犍為三郡屬國都尉及靈帝
又以汶江蠶陵廣柔三縣立汶山郡獻帝初平元年
劉璋分巴郡立朶寧郡建安六年改朶寧為巴東以
巴郡為巴西又立涪陵郡二十一年劉備分巴郡立
固陵郡蜀章武元年又改固陵為巴東郡巴西郡為
巴郡又分廣漢立梓潼郡分犍為立江陽郡以蜀郡
屬國為漢嘉郡以犍為屬國為朱提郡劉禪建興二
年改益州郡為建寧郡廣漢屬國為陰平郡分建寧
朶昌立雲南郡分建寧牂牁立興古郡分廣漢立東
廣漢郡魏景元中蜀平省東廣漢郡及武帝泰始二

年分益州置梁州以漢中屬焉七年又分益州蜀寧
州益州統郡八縣四十四戶十四萬九千三百

蜀郡 秦置統縣六戶五萬

成都 廣都 繁 江原 臨邛 郫

犍為郡 漢置統縣五戶一萬

武陽 南安 犍道 資中 牛鞞

汶山郡 漢置統縣八戶一萬六千

汶山 升遷 都安 廣陽 興樂 平康

漢嘉郡 蜀置統縣四戶萬三千

漢嘉 徙陽 嚴道 旄牛

江陽郡 蜀置統縣二

江陽符 漢安

朱提郡 蜀置統縣五戶

朱提南廣 漢陽 南秦 堂狼

越雋郡 漢置統縣五戶

會無 邛都 卑水 定乍 臺登

犍犸郡 漢置統縣八

萬壽 且蘭 指談 夜郎 毋劍 并渠 覽

平夷

惠帝之後李特僭號於蜀稱漢益州郡縣皆沒于特

李雄又分漢嘉蜀二郡立沉黎漢原二郡是時益州

郡縣雖沒李氏江左並遙置之栢温滅蜀其地復為

晉有省漢原沉黎而立南陰平晉原寧蜀始寧四郡

焉咸安二年益州復沒於苻氏太和八年復為晉有

隆安二年又立晉熙遂寧晉寧三郡云寧州於漢魏

為益州之域泰始七年武帝以益州地廣分益州之

建寧興古雲南交州之永昌合四郡為寧州統縣四

十五戶八萬三千

雲南郡 蜀置統縣九

雲平 雲南 栢棟 青蛉 姑復 邪龍 栢榆

遂父 永寧 林縣 青鈿 故封 永寧 縣

興古 蜀置統縣十一戶六千二百

律高 句町 宛温 漏卧 毋掇 賁古 滕休

鐸封 漢興 進乘 都簷 合四代 永寧 縣

建寧郡 蜀置統縣十七戶二萬九千

味 昆澤 存馳 新定 談橐 毋單 同瀨

漏江 牧麻 穀昌 連然 秦臧 雙柏 俞元

脩雲 冷丘 滇池

永昌郡 漢置統縣八戶三萬八千

不韋 永壽 比蘇 雍鄉 南涪 雋唐 哀牢

博南

太康三年武帝又廢寧州入益州立南夷校尉以護之太安二年惠帝復置寧州又分建寧以西七縣別立為益州郡永嘉二年改益州郡曰晉寧分牂牁立平夷夜郎二郡然是時其地再為李特所有其後李壽分寧州興古永昌雲南朱提越雋河陽六郡為漢州咸康四年分牂牁夜郎朱提越雋四郡置安州八年又罷并寧州以越雋還屬益州省永昌郡焉

晉書地理志 卷一百一十五 南夷傳 博南

志第四

地理上

晉書十四

平又謂我靈州以故書靈州晉書靈州省次也靈州
州東四平公幹所交州宋時故書靈州晉書靈州
書公平州與公不昌靈南宋時故書靈州晉書靈
平夷公與公不昌靈南宋時故書靈州晉書靈
平為靈州晉書靈州晉書靈州晉書靈州晉書靈
平為靈州晉書靈州晉書靈州晉書靈州晉書靈
平為靈州晉書靈州晉書靈州晉書靈州晉書靈
平為靈州晉書靈州晉書靈州晉書靈州晉書靈
平為靈州晉書靈州晉書靈州晉書靈州晉書靈

志第五

晉書十五

唐太宗文皇帝

御撰

地理下

青州 徐州 荊州 廣州

○青州按禹貢為海岱之地舜置十二牧則其一也

舜以青州越海又分為營州則遼東本為青州矣周

禮正東曰青州蓋取土居少陽其色為青故以名也

春秋元命包云虛危流為青州漢武帝置十三州因

舊名歷後漢至晉不改州統郡國六縣三十七戶五

萬三千

齊國

秦置郡漢以為國景帝以為

臨淄 有棘亭 東安平 女 廣饒 昌國

濟南郡 漢置 臨淄縣 五戶五千 或云 魏平 為 齊 祗 而 大 應 地 志

平壽 古國 下密 有三 膠東 侯 即墨 有天 祝阿

樂安國 漢置 統縣 八 戶 一萬一千

高密 有 臨濟 有 博昌 有 博利 益 蓼城 侯 鄒

光 古 東朝陽 魏至 分 北 海

城陽郡 漢置 屬 北 海 自 魏 至 分 北 海

姑幕 古 薄姑 諸 淳 故 淳 于 東武

東萊國 漢置 郡 統 縣 六

掖 侯 當利 侯 盧鄉 曲 城 黃 有 萊 山 松 愜 侯 國 有 百

長廣郡 咸寧三年 置 統 縣 三 戶 四 千 五 百

不其 侯 國 長 廣 挺

惠帝元康十年又置平昌郡又分城陽之黔陬壯武

淳于昌安高密平昌營陵安丘大劇臨朐十一縣為

高密國自永嘉喪亂青州淪沒石氏東萊人曹嶷為

刺史造廣固城後為石季龍所滅季龍末遼西段龕

自號齊王據青州慕容恪滅趙尅青州苻氏平燕盡

有其地及苻氏敗後刺史苻朗以州降朝廷置幽州

萬曆十年補刊

五

以別駕辟閭渾為刺史鎮廣固隆安四年為慕容德所滅遂都之是為南燕復改為青州德以并州牧鎮陰平幽州刺史鎮發干徐州刺史鎮莒城青州刺史鎮東萊兗州刺史鎮梁父慕容超移青州於東萊郡後為劉裕所滅留長史羊穆之為青州刺史築東陽城而居之自元帝渡江於廣陵僑置青州至是始置北青州鎮東陽城以僑立州為南青州而後省南青州而北青州直曰青州

○徐州案禹貢海岱及淮之地舜十二牧則其一也於周入青州之域春秋元命包云天氏流為徐州蓋

取舒緩之義或云因徐丘以立名秦兼天下以置泗水薛琅邪三郡楚漢之際分置東陽郡漢又分置東海郡改泗水為沛改薛為魯分沛置楚國以東陽屬吳國景帝改吳為江都武帝分沛東陽置臨淮郡改江都為廣陵及置十三州以其地為徐州統楚國及東海琅邪臨淮廣陵四郡宣帝改楚為彭城郡後漢改為彭城國以沛郡之廣戚縣來屬改臨淮為下邳國及太康元年復分下邳屬縣在淮南者置臨淮郡分琅邪置東莞郡州凡領郡國七縣六十一戶八萬一千二十一

彭城國 漢以為郡統縣七戶四千一百二十一

彭城 故殷伯留所封 廣戚 傅陽 武原 呂人 梧

下邳國 漢置為臨淮郡統縣七戶七千五百

下邳 葛嶧山在西古嶧陽也韓信為楚王都之 凌 良城 侯睢陵 夏丘

取慮 僮

東海郡 漢置統縣十二戶一萬一千二百

邳 故邳子國 况其 羽山在縣之西 朐 襄贛 利城 贛榆

原丘 蘭陵 承 昌慮 鄉 戚

琅邪國 秦置郡統縣九戶二萬九千五百

開陽 侯臨沂 陽都 繒 卽丘 華 費 魯季氏邑

東安 蒙陰 山在西南

東莞郡 太康中置統縣八戶一萬

東莞 故魯邑 朱虛 營 莒 尚父邑 安丘 故善渠 蓋

臨朐 有海祠 廣

廣陵郡 漢置統縣八戶八千八百

淮陰 射陽 輿 海陽 有江祠 廣陵 鹽濱

淮浦 江都 有江祠

臨淮郡 漢置章帝以八下邳太康元年復立統縣十戶一萬

盱眙 東陽 高山 贅其 潘旌 高郵 淮陵

司吾 下相 徐

太康十年以青州城陽郡之莒姑幕諸東武四縣屬東莞元康元年分東海置蘭陵郡七年又分東莞置東安郡分臨淮置淮陵郡以堂邑置堂邑郡永嘉之亂臨淮淮陵並淪沒石氏元帝渡江之後徐州所得惟半乃僑置淮陽陽平濟陰北濟陰四郡又琅邪國入隨帝過江者遂置懷德縣及琅邪郡以統之是時幽冀青并兗五州及徐州之淮北流人相帥過江淮帝並僑立郡縣以司牧之割吳郡之海虞北境立郟朐利城況其原丘西隰襄贛七縣寄居曲阿以江乘置南東海南琅邪南東二南蘭陵等郡分武進立臨淮淮陵南彭城等郡屬南徐州又置頓丘郡屬北徐州明帝又立南沛南清河南下邳南東莞南平昌南濟陰南濮陽南太平南泰山南濟陽南魯等郡以屬徐兗二州初或居江南或居江北或以兗州領州郡鑿都督青兗二州諸軍事兗州刺史加領徐州刺史鎮廣陵蘇峻平後自廣陵還鎮京口又於漢故九江郡界置鍾離郡屬南徐州江北又僑立幽冀青并四州穆帝時移南東海七縣出居京口義熙七年始分淮北爲北徐州淮南但爲徐州統彭城沛下邳蘭陵東莞東安琅邪淮陽陽平濟陰北濟陰十一郡以尉

五
五
胎立盱眙郡統考城直瀆陽城三縣又分廣陵界置
海陵山陽二郡後又以幽冀合徐州青州并合兗州
○荊州按禹貢荆及衡陽之地舜置十二牧則其一
也周禮正南曰荊州春秋元命包云軫星散爲荊州
荆強也言其氣躁強亦曰警也言南蠻數爲寇逆其
人有道後服無道先強常警備也又云取名於荆山
六國時其地爲楚及秦取楚鄢郢爲南郡又取巫中
地爲黔中郡以楚之漢北立南陽郡滅楚之後分黔
中爲長沙郡漢高祖分長沙爲桂陽郡改黔中爲武
陵郡分南郡爲江夏郡武帝又分長沙爲零陵郡及

置十三州因舊名爲荊州統南郡南陽零陵桂陽武
陵長沙江夏七郡後漢獻帝建安十三年魏武盡得
荊州之地分南郡以北立襄陽郡又分南陽西界立
南鄉郡分枝江以西立臨江郡及敗於赤壁南郡以
南屬吳吳後遂與蜀分荊州於是南郡零陵武陵以
西爲蜀江夏桂陽長沙三郡爲吳南陽襄陽南鄉三
郡爲魏而荊州之名南北雙立蜀分南郡立宜都郡
劉備沒後宜都武陵零陵南郡四郡之地悉復屬吳
魏文帝以漢中遺黎立魏興新城二郡明帝分新城
立上庸郡孫權分江夏立武昌郡又分蒼梧立臨賀

郡分長沙立衡陽湘東二郡孫休分武陵立天門郡
分宜都立建平郡孫皓分零陵立始安郡分桂陽立
始興郡又分零陵立邵陵郡分長沙立安成郡荊州
統南郡武昌武陵宜都建平天門長沙零陵桂陽衡
陽湘東邵陵臨賀始興始安十五郡其南陽江夏襄
陽南鄉魏興新城上庸七郡屬魏之荊州及武帝平
吳分南郡為南平郡分南陽立義陽郡改南鄉為順
陽郡又以始興始安臨賀三郡屬廣州以揚州之安
成郡來屬州統郡二十二縣一百六十七戶三十五
萬七千五百四十八

江夏郡

漢置統縣七戶二萬四千

安陸

橫尾山在東北古之陪尾山

雲杜

故雲于國

曲陵

平春

郟

竟陵

章山在東北古之內方山

南新市

南郡

漢置統縣十二戶五萬五千

江陵

故楚都

編有雲

當陽

華容

郡

故郡于國

旌陽

州陵

監利

松滋

石首

襄陽郡

魏置統縣八戶二萬二千七百

宜城

故鄢也

中廬

臨沮

荆山在東北

郢

襄陽

侯山都

鄧城

郟

南陽國

秦置郡統縣十四戶二萬四千四百

嘉靖戊午年

宛 西鄂侯相雒 魯陽公國相 犍 涇陽公國相 博望公國相

堵陽 葉侯相有長城 舞陰公國相 北陽公國相 涅陽

冠軍 鄆

順陽郡大康中置統縣八戶二萬一百

鄧 順陽 南鄉 丹水 武當侯相 陰 筑陽 析

義陽郡太康中置統縣十華谷

新野侯相 穰 鄧故鄧侯國 蔡陽 隨故隨國 安昌 棘陽

厥 西平氏桐栢山在南 義陽 平林 朝陽

新城郡魏置統縣四戶一萬五千二百

房陵 緩陽 昌魏 汴鄉

魏興郡魏置統縣六戶一萬二千

晉臨 安康 西城 錫 長利 洵陽

上庸郡魏置統縣六百萬一千四百四十八

上庸侯相 安富 北巫 武陵 上廉 微陽

建平郡吳晉各有建平郡太康元年合統縣八戶一萬三千二百

巫 北井 秦昌 信陵 典山 建始 秭歸楚故

子沙渠

宜都郡吳置統縣三戶八千七百

夷陵 夷道 佷山

南平郡吳置以為南郡太康元年改曰南平統縣四戶七千

順治十六年刊 晉書志卷五

作唐 孱陵 南安 江安

武陵郡 漢置統縣十戶一萬四千

臨沅 龍陽 漢壽 沅陵 黟陽 西陽 鐔城

沅南 遷陵 舞陽

天門郡 吳置統縣五戶三千一百

零陽 淩中 沅 臨澧 澧陽

長沙郡 漢置統縣十戶三萬三千

臨湘 攸 下雋 醴陵 劉陽 建寧 吳昌

羅 蒲沂 巴陵

衡陽郡 吳置故屬長沙統縣九戶二萬一千

湘鄉 重安 湘南 湘西 烝陽 衡山 連

新康 益陽

湘東郡 吳置故屬長沙統縣七戶一萬九千五百

酃 茶陵 臨烝 利陽 陰山 新平 新寧

零陵郡 吳置統縣十一戶二萬五千一百

泉陵 有香茅云古貢之以縮酒 祁陽 零陵 營浦 洮陽 永

昌 觀陽 營道 春陽 冷道 應陽 東界有鼻墟云象所封

邵陵郡 吳置統縣六戶一萬二千

邵陵 都梁 天夷 建興 邵陽 高平

桂陽郡 漢置統縣六戶一萬一千三百

萬曆三年

柳項羽封義帝之邑 未陽 便 臨武 晉寧 南平

武昌郡 吳置統縣七戶一萬四千八百

武昌 故東鄂也楚子熊渠封中子紅於此 柴桑 有溢 陽新 沙羨 有夏

汙口 沙陽 鄂 有新興馬頭鐵官 官陵

安成郡 吳置統縣七戶三千

平都 宜春 新諭 永新 安復 萍鄉 廣興

惠帝分桂陽武昌安成三郡立江州以新城魏興上

庸三郡屬梁州又分義陽立隨郡分南陽立新野郡

分江夏立竟陵郡懷帝又分長沙衡陽湘東零陵郡

桂陽及廣州之始安始興臨賀九郡置湘州特置

亂又割南郡之華容州陵監利三縣別立豐都合四

縣置成都郡為成都王穎國居華容縣愍帝建興中

併還南郡亦併豐都於監利元帝渡江又僑立新興

南河東二郡穆帝時又分零陵立營陽郡以義陽流

人在南郡者立為義陽郡又以廣州之臨賀始興始

安三郡及江州之桂陽益州之巴東合五郡來屬以

長沙衡陽湘東零陵邵陵營陽六郡屬湘州栢温又

分南郡立武寧郡安帝又僑立南義陽東義陽長寧

三郡義熙十三年省湘州置長沙衡陽湘東零陵邵

陵營陽還入荊州

○揚州按禹貢淮海之地舜置十二牧則其一也周禮東南曰揚州春秋元命包云牽牛流爲揚州分爲越國以爲江南之氣躁勁厥性輕揚亦曰州界多水水波揚也於古則荒服之國戰國時其地爲楚分秦始皇并天下以置鄣會稽九江三郡項羽封英布爲九江王盡有其地漢改九江曰淮南即封布爲淮南王六年分淮南置豫章郡十一年布誅立皇子長爲淮南王封劉濞爲吳王二國盡得揚州之地文帝十六年分淮南立廬江衡山二郡景帝四年封皇子非爲江都王并得鄣會稽郡而不得豫章武帝改江都

曰廣陵封皇子胥爲王而以屬徐州元封二年改鄣曰丹揚改淮南復爲九江後漢順帝分會稽立吳郡揚州統會稽丹揚吳豫章九江廬江六郡省六安并廬江郡獻帝興平中孫策分豫章立廬陵郡孫權又分豫章立鄱陽郡分丹揚立新都郡孫亮又分豫章立臨川郡分會稽立臨海郡孫休又分會稽立建安郡孫皓分會稽立東陽郡分吳立吳興郡分豫章廬陵長沙立安成郡分廬江立廬陵南郡都尉揚州統丹揚吳會稽吳興新都東陽臨海建安豫章鄱陽臨川安成廬陵南部十四郡江西廬江九江之地自合

肥之北至壽春悉屬魏及晉平吳以安成屬荊州分
丹楊之宣城宛陵陽安吳涇廣德寧國懷安石城
臨城春穀十一縣立宣城郡理宛陵改新都曰新安
郡改廬陵南部為南康郡分建安立晉安郡又分丹
楊立毗陵郡揚州合統郡十八縣一百七十三戶三
十一萬一千四百

丹陽郡 漢置統縣十一戶

建鄴 本秣陵孫氏改為建業武帝平吳以為秣陵 江寧

太康二年分秣陵北為建鄴改業為鄴 丹楊 丹楊山多赤 千湖 蕪湖 永世

深陽 深水所出 江乘 句容 有茅山 湖熟 秣陵

宣城郡 太康二年置統縣十一戶一萬三千五百

宛陵 侯相彭澤 宣城 陵陽 淮水出東北入江 仙安

吳 臨城 石城 涇 春穀 孝武改為陽 廣德 寧國

懷安

淮南郡 秦置九江郡漢以為淮南國漢武帝置為九

千四 壽春 成德 下蔡 義城 西曲陽 平阿

有塗 歷陽 全椒 阜陵 漢明帝時淪為麻湖 鍾離 故州 合肥

凌道 陰陵 當塗 古塗山國 東城 烏江

廬江郡 漢置統縣十戶四千一百

陽泉 舒 故國有 濳 天柱小在 皖 尋陽 居巢 禁死

嘉靖戊午年

於臨湖 襄安 龍舒 六故六

毗陵郡 吳分會稽無錫已西為屯田置典農校尉太康二年省校尉為毗陵郡統縣七戶一萬二千

千丹徒 故朱 曲阿 故雲 武進 延陵 毗陵 既陽

無錫 有磨山春中君祠

吳郡 漢置統縣十一戶二萬四千

吳 故國具 嘉興 海鹽 鹽官 錢唐 武林山武富林水所出

陽 洞廬 建德 壽昌 海虞 婁

吳興郡 吳置統縣十一戶二萬四千

烏程 臨安 餘杭 武康 故時風氏國 東遷 於濬有

水故鄣 安吉 原鄉 長城

會稽郡 秦置統縣十戶三萬

山陰 會稽山在南上有禹冢 上虞 有仇亭舜避丹朱於此地 餘姚 有句餘山在南

章 鄞 有鮪 鮑亭 鄞 始寧 剡 永興 諸暨

東陽郡 吳置統縣九戶一萬二千

長山 有赤松子廟 永康 烏傷 吳寧 太末 信安

豐安 定陽 遂昌

新安郡 吳置統縣六戶五千

始新 遂安 黟 歙 海寧 黎陽

臨海郡 吳置統縣八戶一萬八千

章安 臨海 始豐 永寧 寧海 松陽 安固

橫陽

建安郡 故秦閩中郡漢高帝五年以立閩越王及武帝滅之徙其人名為東冶又更名東城後漢改為侯官都尉及吳置建安郡統縣七戶四千三百

建安 吳興 東平 建陽 將樂 邵武 延平

晉安郡 太康三年置統縣八戶四千三百

原豐 新羅 宛平 同安 侯官 羅江 晉安

溫麻

豫章郡 漢置統縣十六戶三萬五千

南昌 海昏 新淦 建成 望蔡 永脩 建昌

吳平 豫章 彭澤 艾 康樂 豐城 新吳

宜豐 鍾陵

臨川郡 吳置統縣十戶八千五百

臨汝 西豐 南城 東興 南豐 永成 宜黃

安浦 西寧 新建

鄱陽郡 吳置統縣八戶六千一百

廣晉 鄱陽 樂安 餘汗 鄒陽 歷陵 葛陽

晉興

廬陵郡 吳置統縣十戶一萬二千二百

西昌 高昌 石陽 丘正 南野 東昌 遂興

吉陽 興平 陽豐

南康郡

太康三年置統縣五戶一千四百

贛

雩都

平固

南康

揭揚

武昌

義興

惠帝元康元年有司奏荆揚二州疆土廣遠統理尤難於是割揚州之豫章鄱陽廬陵臨川南康建安晉安荊州之武昌桂陽安成合十郡因江水之名而置江州永興元年分廬江之尋陽武昌之柴桑二縣置尋陽郡屬江州分淮南之烏江歷陽二縣置歷陽郡又以周玘創義討石冰割吳興之陽羨并長城縣之北鄉置義鄉國山臨津并陽羨四縣又分丹陽之永世置平陵及永世凡六縣立義興郡以表玘之功並

屬揚州又以毗陵郡封東海王世子毗避毗諱改為晉陵懷帝永嘉元年又以豫章之彭澤縣屬尋陽郡愍帝立避帝諱改建鄴為建康元帝渡江建都揚州改丹揚太守為尹江州又置新蔡郡尋陽郡又置九江上甲二縣尋又省九江縣入尋陽是時司冀雍涼青并兗豫幽平諸州皆淪沒江南所得但有揚荆湘江梁益交廣其徐州則有過半豫州惟得譙城而已明帝太寧元年分臨海立永嘉郡統永嘉安固松陽橫陽等四縣而揚州統丹陽吳郡吳興新安東陽臨海永嘉宣城義興晉陵十一郡自中原亂離遺黎南

漢並僑置牧司在廣陵丹徒南城非舊土也及胡寇南侵淮南百姓皆渡江成帝初蘇峻祖約為亂於江淮胡寇又大至百姓南渡者轉多乃於江南僑立淮南郡及諸縣又於尋陽僑置松滋郡這隸揚州咸康四年僑置魏郡廣川高陽堂邑等諸郡并所統縣並寄居京邑改陵陽為廣陵孝武寧康二年又分永嘉郡之永寧縣置樂成縣是時上黨百姓南渡僑立上黨郡為四縣寄居無湖尋又省上黨郡為縣又罷襄城郡為繁昌縣並以屬淮南安帝義熙八年省尋陽縣入柴桑縣柴桑以爲郡後又省上甲縣入彭澤

舊江州督荊州之晉江陵郡及何無忌為刺史表以竟陵去州遼遠去江陸三百里荊州所立綏安郡人戶入境欲資此郡助之瀆成防以竟陵郡還荊州又司州之弘農揚州之弘滋二郡寄在尋陽人戶雜居並宜建督安帝從之後又省松滋郡為松滋縣弘農郡為弘農縣並屬尋陽郡

○交州按禹貢揚州之域是為南越之士秦始皇既略定揚越以謫戍卒五十萬人守五嶺自此但南入越之道必由嶺嶠時有五處故曰五嶺後使任囂趙他攻越略取陸梁地遂定南越以爲桂林南海象等

三郡非三十六郡之限乃直南海尉以典之所謂東
南一尉也漢初以嶺南三郡及長沙豫章封吳芮為
長沙王十一年以南武侯織為南海王陸賈使還拜
趙他為南越王割長沙之南三郡以封之武帝元鼎
六年討平呂嘉以其地為南海蒼梧鬱林合浦日南
九真交趾七郡蓋秦時三郡之地元封中又置儋耳
珠崖二郡置交趾刺史以督之昭帝元始五年罷儋
耳并珠崖元帝元初三年又罷珠崖郡後漢馬援平
交趾始調立城郭置井邑順帝永和元年交趾太
守周敞求立為州朝議不許即拜敞為交趾刺史

帝分立高興郡靈帝改曰高涼建安八年張津為刺
史士燮為交趾太守共表立為州乃拜津為交州牧
十五年移居番禺詔以邊州使持節郡給鼓吹以重
城鎮加以九錫六佾之舞吳黃武五年割南海蒼梧
鬱林三郡立廣州交趾日南九真合浦四郡為交州
戴良為刺史值亂不得入呂岱擊平之復還并交部
赤烏五年復置珠崖郡永安七年復以前三郡立廣
州及孫皓又立新昌武平九德三郡蜀以李恢為建
寧太守遙領交州刺史晉平蜀以蜀建寧太守霍弋
遙領交州得以便宜選用長吏平吳後省珠崖入合

浦交州統郡七縣五十三戶二萬五千六百

合浦郡 漢置統縣六戶二千

南平 蕩昌 徐聞 毒質 珠官

交阯郡 漢置統縣十四戶一萬二千

龍編 苟扇 望海 羸樓 西于 武寧 朱鳶

曲易 交興 壯帶 稽徐 安定 南定 海平

新昌郡 具置統縣六戶三千

麋泠 婦人徵側為主 嘉寧 吳定 封山 臨西

西道

武平郡 吳置統縣七戶五千

武寧 武興 進山 根寧 安武 扶安 封溪

九真郡 漢置統縣七戶三千

胥浦 移風 湛梧 建初 常樂 扶樂 松原

九德郡 吳置周時越常氏地統縣八無戶

九德 咸驩 南陵 陽遂 扶苓 曲胥 浦陽

都汶

日南郡 秦置象郡漢武帝改名焉統縣五戶六百

象林 自此南有四國其人皆云漢人子孫今盧容郡有銅柱亦是漢置此為界貢金供稅也

所朱吾 西卷 比景

○廣州按禹貢揚州之域秦末趙他所據之地及漢

武帝以其地為交阯郡至吳黃武五年分交州之南海蒼梧鬱林高梁四郡立為廣州俄復舊未安六年復分交州置廣州分合浦立合浦北部以都尉領之孫皓分鬱林立桂林郡及太康中吳平遂以荊州始安始興臨賀三郡來屬合統郡十縣六十八戶四萬三千一百二十

南海郡 秦置統縣六戶九千五百

番禺 四會 增城 博羅 龍川 平夷

臨賀郡 吳置統縣六戶二千五百

臨賀 謝沐 馮乘 封陽 興安 富川

始安郡 吳置統縣七戶六千

始安 始陽 平樂 荔浦 常安 熙平 永豐

始興郡 吳置統縣七戶五千

曲江 桂陽 始興 含淮 浚陽 中宿 陽山

蒼梧郡 漢置統縣十二戶七千七百

廣信 端溪 高要 建陵 新寧 猛陵 鄣平

農城 元 臨允 都羅 武城

鬱林郡 秦置桂郡漢武帝更名縣九戶六千

布 柯林 新邑 晉平 始建 鬱平 領方

武熙 安廣

桂林郡 吳置統縣八戶二千

中 武豐 粟平 羊平 龍剛 夾陽 武城

軍騰 吳置統縣六千

高涼郡 吳置統縣三戶二千

安寧 高涼 思平 雲刻 濛寧 雲刻 濛平

高興郡 吳置統縣五戶一千二百

廣化 海安 化平 舍陽 西平 中寧 陽山

寧浦郡 吳置統縣五戶一千二百二十

寧浦 道 吳如 昌平 平山 雲平 永興

武帝後省高興郡懷帝永嘉元年又以臨賀始

安三郡凡二十縣為湘州元帝分鬱林立晉興郡成

帝分南海立東宮郡以始興臨賀三郡還屬荊州穆

帝分蒼梧立晉康新寧永平三郡哀帝太和中置新

安郡安帝分東官立義安郡恭帝分南海立新會郡

順治己亥十月二十二日

江寧府學教授朱謨校閱

書志卷五終

治十六年刊

以寧武學燔封未數外聞

即命已亥十月二十二日

安祚安帝公東官立美安涪恭帝公南嶽立德會涪
 帝公南嶽立東官涪以故興臨賢三涪靈臨涪縣
 安二涪以二十緡為臨涪元帝公南嶽立晉興涪知

